



天津圖書館

撫吳公牘卷之三十一
順丁禹生侍郎原本
官沈幼丹尚書評選

愛業林達泉校刊
書

札飭詞訟人證分別取保管押不准與盜賊同
押由

爲割切飭行事。照得各州縣監押人犯業經定章通飭按月造報。其在押犯名開列粉牌常川懸掛。隨時登釋在案。茲查各屬地方官於現辦冊報牌示章程固多實力奉行。然如本部院訪聞所及有將管押人犯交與原差帶押並無一定地方以致現押之犯與牌開之犯多少不符。無從查考者。有詞訟人證與收捕盜賊各犯同押一處畧無分別者。有牌示所開旨
撫吳公牘 卷之三十一

卷之三十一

一

從四月至今某日收押某日開除歷時太久未曾截清月日未免一覽糲糊者亟應分別定章以昭詳慎自後各州縣詞訟案內情節較輕人證應卽酌量取保不准濫行管押遇有必須管押之犯應專設官飯歇兩三家承充發押不准原差任意帶押並不准官飯歇之外另有押犯處所庶幾便於稽查可無賄縱私押之弊儻本有專設押所不交原差亦不發外間飯歇此爲慎重公事起見自可仍舊辦理惟詞訟人證斷不准與收捕盜賊同押一房用示區別其粉牌登釋犯名每屆一旬重加清繕上旬開釋之犯無庸再列開除項下俾清眉目至各屬監獄尙多寬潔而管押處所往往穢濁不堪其慘苦實倍於監獄各該

地方官更當察看清理。毋滋法外之冤。重貽小民之累。並嚴查家丁看役人等。無許陵虐需索。其已經訊釋之犯。往往因差役丁胥。慾壑未飽。指留不遣。此中弊竇。覺察尤難。應於結案時。當堂遣歸。仍隨時查訪。防其指押。不得稍存大意。合行札飭。札到該某。即轉飭將以上各條。逐一遵照辦理。仍將核實遵辦緣由。於半月內。專案詳復。毋違切切。特札。

札各府道
江蘇各州縣

飭議錢庄局賭局騙禁絕章程

爲札飭議禁。以杜奸商而免民害事。照得錢庄一業。所以通有無濟緩急。原市廛所不可少。近來有等奸猾之徒。藉爲騙局。或賭賽市價。買空賣空。或引誘存

撫吳公牘

卷之三十一

二

放。串逃串閉。以千萬虛無之數。立定期限。有意使銀洋長落到限。即將前買之票過割。從中取長落之利。民間惟利是圖。以爲無須現銀。故敢以千萬之數。買賣。不知一經長落。所輸之利。亦復不少。因之有破家者。並有無家可破而自盡者。此與局賭何異。且兵燹之後。多係糾集三四人。湊本數百千。或千餘串。合開一店。外則裝潢體面。內實資本空虛。小民稍積錙銖。貪圖利息。紛紛存放。該錢業始以所存錢洋。作爲店中資本。迨至存款一多。假稱虧本。閉歇勒折歸還。并有實在稍爲虧本。即將本店銀錢。運寄一空。閉店潛逃。並無著落。及至控案。提追亦無從飭提。此與局騙相同。若不定章示禁。則商民受累。伊於胡底。查例載

京城錢舖。無論新開舊設。均令五家聯名互保。報縣存案。如有藏匿現銀逃閉者。立將舖戶拘拏押追。勒限兩月開發。逾限不完。照誑騙財物律。准竊盜論。計贓科罪。所欠銀錢。先令聯保四家代爲開發。一面咨追給還。法甚嚴密。現在蘇省。既有此風。似可仿照辦理。惟應如何聯保。互相稽查。使局賭局騙。不致復萌之處。合行札飭。札到該縣。立即遵照。將前項局賭局騙之風。應如何嚴行禁絕。不涉差保之手。以杜流弊。剋日妥議章程。復候核奪。毋違。特札。

札長洲元和吳縣

札飭革除鎮江府揚州江甘二縣清河縣船埠爲飭禁事。照得各處馬頭。設立船埠。本以便商。而其

撫吳公牘

卷之三

三

流弊乃卒。至於病商。近時訪聞。各該船埠。扣取用錢。漫無限制。甚有至三四成以外者。而又多立名目。如划船板船搖船江船。有一種之船。即有一種之埠。每埠夥役各數十人。分踞地段。巡邏焚索。船戶恣其魚肉。雇客聽其把持。遇有差事。藉差滋擾。拏一船而無船不拏。弊更不可勝言。合行嚴札飭禁。札到該縣。立即督縣遵照。將該船埠現扣用錢。明立限制。每千不得過七十文。其划船板船搖船江船各種。概行歸併一埠。其埠役由縣驗充。埠夥祇准數人。如有多添。埠夥到處索詐。以及多扣用錢。不遵限制者。准各船戶指名稟究。其各種船價。皆以船夫之多少。定雇值之高下。每夫一名。給價若干。由縣妥議詳核。飭遵務從。

平允不得苛刻亦不准各船戶任意高擡遇有來往
差使悉照定價給發永不准有拏差貼差各目該地
方官衙門丁役向時索取船埠規費差費各款爲數
甚鉅應卽一併裁革不准再蹈積習需索分文致干
查究仍卽將核實辦理情形專案詳復切切毋違特
札

札 鎮江 淮安 州府

甘泉縣

清河縣

勸修海屬水利札

爲飭行事照得海屬地方積年旱澇無歲不歉沐陽
地處上游東省諸山暨駱馬湖水來源盛漲六塘河
洩瀉不及沐河去路更微往往浸灌民田州境爲瀕
海尾間湖河所注漫溢時虞惟贛稍高阜然每遇霖

撫吳公牘

卷三十一

四

雨亦遭衝淹統計該屬情形沮洳苦澇高原又苦旱
究之水災實更甚於旱災查乾隆年間海州東南鄉
莞瀆等二十四鎮沐陽二十字橋錢家集苗家寨等
鎮贛榆之南鄉等鎮皆經勘議仿江南圩田之法築
堤建圩現今年久恐故址已湮工資浩大修築爲難
然卽不能興水之利亦當去水之害但使水有去路
由內河達之海口處處暢洩則少一分之水患卽多
一分之農利現如沐境南北兩六塘河之中向有侯
家口一河分洩水勢旋以軍興建築長圩該口遂至
填塞又如海贛境內各處海口支流以及支河曲港
舊有河形之地應卽由該地方官詳加採訪趁此農
隙周歷察勘或疏濬故道或別開溝渠使水勢得以

分殺而霖潦不至爲災。總期工不甚費。事在可行。俟辦有成效。再議仿照圩田。徐興大利。本部院爲民生利賴起見。合行札飭。札到該廳。立卽遵照。轉飭該州督同贛沐二縣一體妥爲辦理。仍將遵辦緣由。先行具覆。無負本部院諄諄勸辦之苦心也。切切特札。

海州
徐州水陸關防大原札
海道

加函致道

海屬地方廣闊。幾與蘇松常鎮四府相等。而物產不豐。野多曠土。則以水利不修。膏腴悉成磽确。故也。鄙意海屬地廣人稀。官民俱困。若僅僅稍爲疏鑿。補苴目前。則旋濬旋淤。終非持久之道。海屬農務與鹽務相爲表裏。現在淮北鹽務大有起色。籌款亦尙不難。

撫吳公牘

卷三十一

五

若海屬水利不興。民生日絀。則私煮與私梟勢必充斥。鹽務亦必暗受其害。現擬函商督院於北鹽籌一鉅款爲海屬大舉開河之計。未知能否如願。祈尊處上書時亦望剴切陳明。所慮者無一實心督工之人。執事幫同敝處清理詞訟。又不能分身兼顧。籌款難籌。人尤不易。四顧躊躇。不能不憮然三歎也。

海州水利關係大局。蓀楨頃撥鹽款大舉興脩。亦所以成公志也。

飭查沐陽縣差役私押是否相符

爲札飭事。照得管押人證。飭縣懸掛粉牌。令將管收除在。每日明白牌示。原以杜差役私押之弊。今本部院訪聞沐陽縣差役徐殿家押有二人。一名張季長。

一名華久慶。經去人詢據張季長稱伊子與屠永輝因賣魚涉訟。伊子逃走。押伊跟交。華久慶稱因娶再醮婦被控。均係九月二十一日進押。又於胡大家查有徐玉堂一人。詢係八月十八日管押。又張龍家查有時文賢時紹德二人。詢係九月十八日管押。以上五人。縣牌均無其名。本部院復查該縣八九兩月押冊。亦未開載。惟究因何事私押收押月日。是否與本部院訪聞相符。合行札飭確查。札到該道。立即派委妥員。確密查明該差等。如何私押民人緣由。據實稟候察辦。并查所屬各州縣差役。有無前項玩法情事。一併詳復。該道向來視民如子。疾惡如仇。想必能認真確訪。不受若輩欺朦也。切切。

撫吳公牘

卷三十一

六

札徐海道 掛釘

加函

押犯懸牌。原所以杜私押之弊。今沭陽一面懸牌。差役一面私押。該令如若不見不聞。何異木偶。如若知而不報。則當此法令森嚴之際。仍敢存苟且嘗試之心。尤堪詫異。務望密派妥人認真查復。以便分別嚴懲。以儆其餘。該令每次稟牘。輒曰百姓無良。今任聽差役私押。試問有司果良否耶。嗚乎。去者如此。來者又復爾爾。陳陳相因。吾實末如之何也已。

札飭各屬不許點充總書由

爲通飭革除事。照得江蘇州縣徵收錢漕。向有總書一役。各房書吏。每於本官到任之時。及地漕啟徵之

前以千數百金爲雉媒鑽謀點充甚或數人湊集成數大都由辦漕門丁代爲說合在廉潔牧令未必貪其賄賂不過受人欺蒙而不肖之輩欲圖點費以飽私橐遂不問其辦公是否勤慎身家果否殷實遽允所請一經准點若輩有恃無恐恣意妄爲或以完捏欠或以熟作荒內則交結門丁朋比爲奸外則勾串糧差浮收肥己地保既任其指揮小民暗受其股削甚且挾制本官以致太阿倒持稍不遂慾公事每致遲誤爲害實非淺鮮至於包攬代納撞騙招搖猶其事之小焉者也現在錢漕收數均已明定限制豈容此等蠹書盤踞衙門把持公事合特專札飭遵札到該某立即通飭所屬州縣遵照將現有總書立即革

撫吳公牘

卷之三

七

除嗣後不准再用漕總亦毋許變易名目仍令暗中把持儻該州縣陽奉陰違一經察出立予嚴參決不寬貸該某仍將奉文通飭日期並飭所屬將遵辦緣由專案詳復特札

札蘇江藩司 十二府州廳

加函

江陰金匱兩處漕總業已嚴辦而且累及本官各牧令何必蹈其覆轍害民適以自害哉惟各處漕總根深蒂固非用草薙禽獮之法不能拔本塞源祈爲大聲疾呼第必再接再厲也

蘇屬漕總爲害最烈經此次草薙禽獮之後至今猶爲斂迹在公雖稍受怨謗而百姓已沾澤無窮

淮安府詳山鹽清安四縣本年六七八三個月
詞訟月報考核功過照章詳請核示由

據詳山陽縣姚令六七八三個月詞訟結案九成以
上請記功二次鹽清安三縣均因正值考試之際未
能兼顧審斷結案無多請免記過等情查山陽縣三
個月冊造訟案除註銷外訊息僅止八成以上安東
縣結案不及三成清河縣鹽城縣安東縣姑念時值考
陽縣記功一次清河縣鹽城縣安東縣姑念時值考
試事由有因各予記過一次以示薄懲除咨督部堂
查照並行江藩司註冊飭遵外仍即分飭遵照并候
督部堂批示繳冊存

撫吳公履卷之三十一

飭禁小押並議招商開典

為札飭事照得本部院訪聞揚州府江甘兩屬有等
罔利之徒於各鄉鎮開設小押分官私兩種私押以
百日為滿每日一分起息出錢九五串入錢足底如
押物得錢九百五十文一月往贖即須一千三百文
官押則各衙門皆有陋規為費既多扣利更重查律
載典當財物每月取息不得過三分如當錢一千文
每月只准取息錢三十文違者治罪

功令煌煌原以通小民緩急之需而杜重利盤剝之漸
今小押每月取息較例定置增至十餘倍之多其名
為官押者於衙門多出一分之費較私押必更增一
分之息罔利病民莫此為甚江甘如此各屬諒亦不

免合亟札飭札到該司立即轉飭各屬查明該管境內如有開設小押卽行出示嚴禁概令閉歇其資本較充者或勸令仿照蘇常辦法改設公典不准再有小押名目並嚴禁書差人等藉端需索仍一面起招股實妥商開設典舖多多益善俾貧民得通有無不致受盤剝之累揚州爲南北通衢尤不能不開設典當以通緩急應否由運庫借撥本錢俾成義舉之處并由該司酌商辦理具復切切

札江藩司蘇藩司准運司

加函致運司

揚州開設公典自應妥擇殷商弁許於不敷時由運庫借給資本方可成事蓋淮南北數百里無一公典

撫吳公牘

卷之三

九

誠恐此典一開百姓蜂湧而來本錢不敷周轉故也蘇州公典取息三分似覺太重鄙意約在二分左右既不病民亦不病商目前救濟窮民無有急於此者乞速圖之我輩之口角春風卽百姓之楊枝甘露也

詞訟核記功過飭擬章程

爲札飭事照得本部院設立詞訟月報原以稽核各廳州縣是否留心民瘼勤於審理應按三個月訟案多寡分別勤惰核記功過現在蘇屬各州縣行據藩司參酌舊章詳經本部院核定凡三個月內原報二十起以外雖全數訊結毋庸記功四十起以外訊結十成五十起以外訊結九成以上一百起以外訊結六成以上民間詞訟月少一月者均予記大功一次

連息銷結案不及三成。無論起數多寡。應記大過一次。儻有上月結案雖多。而下月新收。浮於所結之數。訟風仍熾。應仍不准記功。或有因案難速結。漏報掩飾。或並無呈稟案據。捏報案由。率稱訊結。希圖湊數邀功者。一經查出。或被上控。隨時察辦。如本係地廣訟煩之處。經該牧令等隨審隨結。案無留牘。由聽訟馴至無訟。則是化導有方。民心悅服。應由司專案詳請優獎。甯屬各州縣訟案多寡。與蘇屬不同。宜如何變通辦理。應由各該府州各就地方情形。參以蘇屬章程。先行詳候核定。嗣後即按三個月彙詳一次。其通州海州海門廳三處。該管巡道詳辦。如此核計功過。庶勤奮者益加勉勵。而怠緩者亦咸知警。

撫吳公牘

卷之三

十

惕矣。合行通飭。札到該某立。飭遵照各就所屬地方情形。妥擬章程。詳候核飭遵辦。毋違。

札 淮揚徐海道

江甯常鎮道 揚州徐州府

通州

臬司詳沐陽賊犯孫老等聽從夥竊。被追拒捕。並未幫毆。並萬二等於取供後。在監病故。一案核擬由

此案賍錢二百千。該犯等首夥十二人。且帶有刀鎗。謂非行劫。本難遽信。矧事主鄰佑人等。被拒受傷。因事主船小傾側。致吳五丁三王大溺斃。案情不為不重。經前漕部堂

題參疎防。聲明撞門行劫字樣。既未便率請更正。若俟奉部行查聲復。現在含糊咨達。斷非正辦。況當時該

管官遞開職名前漕部堂何致誤敘部中亦未必能
遽允更正。查核原詳現犯孫老係持械入室之犯。現
詳內未將該犯有無持械之處敘明。當各犯拒捕之
時。該犯並不畏懼先逃。乃謂僅止在場並無幫毆。供
情扭捏。本部院詳加披閱。此案壓閣已十餘年。該犯
監禁亦已十餘年。張大徐大麻萬二張三均已監斃。
如現犯訊無確供。旁無指證。俟緝獲逸犯。質明辦理。
亦必至監斃而後已。應由司移道查明此案實在是
劫是竊。研究該犯果否並無幫毆。何以並不先行逃
避。如果其情尚有可原。本部院斷不苛求儻求其生
而不得。則死於法非死於吏亦不必曲爲開脫也。仰
卽遵照辦理具報繳。

撫吳公牘

卷之三

七

札飭嗣後非關命盜重案卽於訊結後次日詳
復

爲札飭事。十一月二十六日。據該府申稱。長洲縣民
戴毛山上控陳同昌卽金生。勒索私押等情。並究出
徐德幅頂名代控一案。接奉批示。遵經照擬辦理。申
復到院。據此。查此案前據委員面稟業已審結。乃候
至半月有餘。該府始行詳到。當此天氣嚴寒。儻候訊
人等因飢寒而斃命。問心何以自安。嗣後凡非關命
盜重案。卽於訊結後次日詳復。弁於詳內聲明何日
訊結。委員何人所訊緣由。明晰開載。以憑稽核。合行
札飭。札到該府卽便遵照辦理。毋違。

撫吳公牘卷之三十二

通飭刊貼科則告示

為札飭事照得本部院節經通飭各屬於丁漕開徵時將田地山蕩分別上中下科則註明每畝應完銀米數目銀洋合錢若干逐一條列刊刻簡明告示徧貼城鄉務使家喻戶曉以杜書差高下朦混之弊仍將示式呈送察核茲查各屬下忙錢糧啟徵已久現在又值收漕之際所有告示尚未據呈送齊全卽已經呈送之處仍恐有柜書差保人等匿示不張抑勒浮收諸弊合行札飭札到該某卽便轉飭各屬一體遵照將應徵本年下忙錢糧同漕米分別科則核明應完銀米數目及銀洋折價若干明晰刊刷告示分發城鄉徧貼曉諭照刷示式同貼過處所開摺通送本部院現在派員分赴各鄉明查暗訪如有一鄉一圖不貼告示以及加收浮費情事一經訪確卽當將該州廳縣從嚴撤叅決不寬貸懷之切切

撫吳公牘

卷之三十二

一

札飭溧陽稟舉辦保甲章程飭司核議

札淮揚徐海通蘇松常鎮太各府州廳縣海門廳

為札飭事十一月二十八日據署溧陽縣稟稱舉辦保甲參酌成例議立章程開摺呈送示遵聲明編查保甲兵燹之後各州縣多未舉辦可否通飭各屬一體辦理等情到本部院據此查該令志在弭盜安良究心民事甚屬可嘉所議各條如第一條十家為牌房家派壯丁一人孤寡婦稚之家免派寺觀客寓編

入牌內。第三條每牌公議輪流支更。第四條不時下鄉親察。第六條城鄉要道添設柵欄。第七條責令埠頭稽查河道船隻均屬妥協。惟第二條以十家爲牌。卽當以十牌爲甲。少一甲長。卽少一作弊之人。或村鎮之中有過百家。有不及百家者。分牌分甲。隨地制宜。不必泥定十牌之數。至第五條煙館賭局。最爲藏盜之藪。而禁之頗難。封房入官。易滋弊竇。事亦終歸不行。不如明示科條。查出聚賭開賭者。分別枷責懲辦。責令甲長將煙館一一開報立簿登記。定更以後核對門牌人數。是否相符。三四更時。閒出抽查。乃無遁情。惟茲事首重選擇甲長。甲長得人。則誠有益地方。否則毫無實濟。且諂弊從此出矣。該合所擬大致

撫吳公牘

卷之三十一

二

不差。尙未盡善。除稟批示外。合行札飭。札到該司立卽遵照妥議簡明章程。通飭遵辦。具覆並移藩司查照毋違。

札臬司

飭催發審未結各案

爲札飭事。照得詞訟拖延。最足爲小民身家之累。現任在清理積案。凡京控上控人證發委讞局訊鞫者。往往未能速爲審結。當此隆冬歲暮。一人在押。舉家懸盼。本部院每一念及。寢饋難安。凡我寅僚。定亦同茲惻隱。合行札飭。札到該府卽便督率在局委員。迅將發審未結各案。逐起提訊。能審結者卽爲審結。其案內無關緊要人證。務卽開單稟明。量行取保摘釋。以

省拖累。仍將年內約可審結幾起。實在未能審結者。共若干起。何案內干證。堪以分別保釋。係何姓名。限本月初十內。先行一律開摺報查。速速。

札蘇州府

銅山縣稟。應行註銷詞訟各案。分別造呈彙銷。

清冊可否免人月報請示由。

查核送到註銷。同治元年起。至六年底止。上控各案。清冊內聲叙總數一百三十八起。而查點案由。共有一百四十五起。又註銷三年分自理各案。清冊內聲明一百三十五起。而案由共有一百四十五起。係屬不符。且冊造註銷各案。據稱差票均已弔銷。究於何年月日弔銷。原差係屬何人。均未明晰開送。殊屬含混。姑念年分既久。控案又多。免其查開。並免列入月報。以歸簡易。惟註銷之案。若僅榜示署前。恐鄉僻小民。未克周知。應照繕多張。徧爲張貼。并須叙明。如有差役執持舊票。仍向原被需索錢文。許將差票截留。稟縣究辦。至同治元年以前。究竟有無未結各案。仰再明白具覆。毋稍含混。冊存。

如此方可謂視民事如已事

飭禁大籤名目

爲札飭禁革事。照得本部院訪聞該縣有一弊政。每遇歲底。籤派差役。分赴各鎮彈壓。名曰大籤。該差等奉籤到手。卽在鎮勾串棍徒。魚肉鄉懦。凡小民前此偶有過犯。均於此時發覺。甚或平空索擾。恐嚇詐騙。

撫吳公牘

卷之三

三

必遂其欲而後止。小民含忍飲泣。莫敢誰何。實爲閭閻大害。此而不嚴行禁革。何以除積蠹而安善良。除密訪拏辦外。合行札飭。札到該縣。立即轉飭遵照出示諭禁。勒石永遠革除。嗣後不得再有。大籤名目。如有不法差役。膽敢再請籤派。立即稟候嚴辦。該縣徇情濫派。一經訪聞。定卽撤叅不貸。懍之。仍將遵辦緣由。并將碑式。於年內揭摹呈送查核。毋遲。

大倉州
札實山縣

札催裁減丹陽科書章程由

爲專札飭催事。案據丹陽印委各員。節次具稟。陽邑離城寫遠。及零星小戶。赴城完納錢糧。所費不貲。往往就近託里運科書代爲完納。該縣閭境科書。共有

撫吳公牘

卷之三十一

四

一百八十九人。聯同一氣。藉圖使用。歷爲常經。皆緣田額推收細冊。均在伊等之手。傳爲世業。秘而不宣。雖經由縣斥革。而積習相沿。一時勢難挽回。等情一案。節經批司飭令該縣嚴查各科書。經收兩年田捐。統共已完若干。欠繳若干。並擬整頓徵收錢糧章程。科書應如何裁減。以期催科得力。不致弊混。妥議詳辦在案。迄今未據議詳。現當辦理抵徵之際。總書已飭永遠禁革。科書亦當酌加裁減。嚴行約束。以免串同弊混。合行專札飭催。札到該司。立即轉催該縣。遵照先今批札。限年底確查妥辦。並議徵收章程。詳覆察奪。毋再遲延。切速切速。

札蘇藩司

吳江縣稟請毋庸設立社學由

興建義塾。原以振拔單寒。凡有鄉塾之處。自不必重疊增設。惟查前任沈令。既籌款創辦四塾。該令如果盡心教養。儘可隨時變通。將原議黎里辛塔二塾。移設於無鄉塾之處。乃徒以一稟塞責。是甘讓美前人。殊可慨嘆。該令自行酌量。如實有視民子弟如己子弟之心。則原議之塾。不妨移設。如果淡然漠然。視興學之事。非地方官應辦之事。本部院亦未如之何也。仰蘇藩司轉行。繳。

上海縣詳盛義庭上控朱忠全等串捉擄物一案查案詳覆由

查此案雖據該縣查明盛玉庭等係屬追拏盜犯。訊撫吳公牘

卷之三十三

五

無爲匪。移解華亭縣保釋。是以月報未經開列。惟詳敘盛義庭前在司府呈控。既經批縣有案。則詞訟月報冊內自應開列。何得藉詞諉卸。應將該署縣記過一次。以示薄懲。已行司註冊。通飭知照。並咨明督部堂查照矣。仰卽遵照。此後造送月報。務須逐一開列。毋再遺漏。切切。一面仍移催南匯縣速提朱忠全等。解府訊辦。繳。

蘇州營詳請酌留兵丁專令分處差防由


本部院酌核現派差兵項下。東城等汛九處。內距營較近者。逐日輪班調操。距營二十里以上者。每處酌留差兵四人。閭胥盤三門門兵。亦可逐日輪班調換。其護送過境龍袍銀兩人犯等項差兵。應行裁去。由

營隨時派撥。又本轅聽差。提轅戈什。均可裁汰。所有司獄。監汎防兵。應改由王廢基營盤就近調撥。餘候核議定章。遵照辦理。仰卽移會標中軍知照。繳摺存。

撫吳公牘

卷之三十一

六



林林三... 吳公... 牘... 卷之三十一... 六

清河縣稟裁併船埠革除規費由

據稟已悉該縣船埠積弊經本部院明晰指飭今該縣稟覆雖已據實直陳而所議章程不免有徇護之處除酌定船價應按各種船之大小不論用夫之多寡及所取用錢每千文只准扣錢五十文均應如所稟辦理外該縣稱差使需用船隻請定差價照民雇酌減四成查首站封備船隻向只填發溜單並不發價偶有應發者數亦無幾在各船戶只求多開水腳以便下站需索決不敢於發溜之邑計較錢文是以山陽寶應常有船戶爭論水腳之事該縣並不爲難雖有差繁之名並無賠累之實應如何另行妥議由該府詳慎查察覆奪又所稱擬於清江設兩埠王營

撫吳公牘

卷之三

七

楊庄各設一埠由官諭充不許多設係爲便稽查而免需索起見查近時之弊由於有一種之船卽有一種之埠各有專業易於把持不僅因船埠太多之故若王營楊庄只准一埠客商無別行可投正遂其把持之計例禁霸開總行具有深意應否於王營楊庄各設二三埠與清江相同俾無壟斷獨登之病該守一併確核議覆仍將酌定船價裁革規費之處通行諭知並將印示飭仿典商之例用木榜懸之埠門俾商民共見共聞始不致再受欺詐至該縣所開各項船價均有浮多卽如頭號太平此時北河並無新船民雇每站約在三四千文上下該縣摺開九兩六錢卽照七折發錢尙須六千七百餘文斷無此價又請

鞋頭船民雇每站約千餘文。多至二千文。摺開四兩二錢。殊覺不實。不盡。他船並可類推。該縣輕聽門閭胥役之詞。希冀朦稟定章。永遂差役壟斷把持之計。此等顛頂。真堪切齒。仰淮安府查照所批各節。詳細體訪民情。另定簡明辦法。通詳立案。總期行之久遠。永杜弊端。該守。在清江多年。熟悉利弊。諒必不致如該令之容易受欺也。並飭該縣遵照。仍錄批報明藩司查考。繳船價清摺鈔發。

清河縣稟裁革夫車行頭禁絕規費請示由

從來興一利必生一弊。卽除一弊仍未始不伏一弊。蓋除弊之難也。今該縣於裁革夫車行頭。不憚往復經營。細心推勘。力除數十年積弊。與他人鹵莽從事。

撫吳公牘

卷之三十三

八

苟且塞責者。實有上下牀之別。深堪嘉慰。應將該署縣記大功一次。以爲善於除弊者勸。已咨明督部堂查照。並札臬司通飭衝途各州縣一體遵照。訪查禁革矣。仰江藩司註冊飭遵。並飭該令隨時親查。必使無弊而後已。仍由司轉飭所屬一體遵照辦理。以期除弊務盡。切切。繳。

淮安府稟覆山阜清桃四縣徵漕並無匿示浮

收并送貼過處所摺由

查核摺開阜清桃三縣徵收本年冬漕折價告示。所貼僅數十處。或祇十餘處。並不按圖按里。遍行張貼。鄉僻愚民。未能周知。易啟書差人等朦混浮收之弊。實於杜弊便民良法。毫不關心。殊堪痛恨。應將署章

甯縣署清河縣署桃源縣各予記過一次。以爲疎略玩忽者戒。仰江藩司註冊飭遵。並由司通飭各屬一體遵照。仍令各該縣另行多印告示。分發各鄉集鎮。遍貼曉諭。照刷示式。同補貼處所。開摺傳送。並催鹽城縣將刊印漕價告示。貼過處所。通報查核。切切。繳摺存。

加函致府

訪聞山陽等處。仍有大小戶名目。此各牧令之所以不肯將告示多貼之實在情形也。江北均漕。我輩不知費如許苦心。始將章程擬定。今開辦之始。牧令即多方阻撓。若遲之又久。良法美意。尙能望其保全一二乎。務使擇其尤者。密稟敝處。卽由敝處嚴加懲創。撫吳公牘

卷之三

九

庶幾事可必行。來書謂謗書蜂起。此亦早已料及。然欲爲百姓寬一分之誅求。卽不能爲一已顧紛來之怨毒。際此時勢。惟有耐心受謗。忍氣做事。或能多救幾箇窮百姓性命也。率筆寫此。不覺淚零。

牙釐局稟嗣後各營增領額外之款。應請由營稟准行知照發由。

查營中請領餉項。以及軍火器械各件。向章本應由院批准。方能給發。領用。茲據稟稱。此次添製馬甲及藤盔等項。以及崔參將請領皮鎗頭等款。均係由營咨司逕領。核與定章不符。嗣後各該營除奉定月餉。應由司局循案動放外。其有增領額外之款。以及軍火等款。應由營稟明本部院批准核給。將來報銷庶

有根據。卽轉移該營一體遵辦。並移蘇藩司軍裝局查照繳。

阜甯縣詳孫秀章上控陳正猷等一案請銷由仰按察司核明飭遵具覆。至此案該縣應於詞訟月報冊內開載。據稱未奉飭造月報之先。詳府註銷。是以未經開載。查月報各冊係七年四月分起造。此案該縣於六月詳銷。何以四月分冊內並不列入。其爲隱匿已無疑義。應將該縣記大過一次。以示薄懲。已札行江藩司註冊飭遵。並咨明督部堂查照矣。仍由該司嚴飭遵照。此後月報務當逐一詳細開造送核。如再漏匿恐不僅記過已也。此繳。

加函

撫吳公牘

卷之三十一

十

上年敝處因各州縣積壓案件太多。是以設立詞訟月報。冀可窮其所往。嗣因相率漏匿。不得已參劾數人。牧令等辦理此事。始稍稍認真。今阜甯又有匿漏詞訟之事。南山可移。積習必不可破。真堪痛恨。除記過外。仍求尊處嚴加申飭爲荷。鄙人收詞狀及攔輿呈時。必親問該民有無在府縣遞呈。遞過幾次。是何月日。如何批示。立甲府縣月報核對。則有無漏匿。不難一望而知。但此事必須親問親核。若經委員代辦。便有許多隔膜之處。可否尊處亦仿照爲之。求通民情。並非發私揭覆可比也。

丹陽縣稟睦洪亮被劫二案奉查查匪等如何進城出城及守城兵丁姓名移營查復由

此案前據勘訊詳報。經前護院批飭勒限嚴緝。嗣因日久犯無破獲。又經札催在案。迄今仍未據報獲一犯。捕務殊屬泄玩。乃何把總輒稱兵力單薄。該縣代爲鋪敘滿紙。而煙館客寓最易藏奸。竟稱並無窩藏匪類。殊不可靠。仰按察司嚴飭比差會營上緊購線勒緝。務將此案贓盜悉獲究報。並將煙館客寓實力稽查。務期奸宄無從匿跡爲要。仍候督部堂批示。繳摺存。

催各屬同治四年後未辦未結命盜各案開摺

送核

爲札催事。案於本年六月初六日。據邳州將同治四年以後至七年十二月止未辦未結命盜各案開摺

撫吳公牘

卷之三

十一

稟送到院。查核摺開案由。共有二十三起之多。內僅止事王閻維高之子閻仁念等。被槍拒傷。閻仁念身死。並申芳報伊子申居正被族姪申毛戮傷身死二案。解府勘轉。餘均未據審明擬解。殊屬遲延。合行勒限嚴催。札到該府。立卽轉飭遵照。限於八月內將摺開各案。迅速提訊明確。分別通詳。按擬招解。一面勒緝各案逸犯。務獲併究。倘再玩違。卽行查參。仍將奉文遵辦緣由。卽日具復。切速。特札。

札臬司

徐州府
邳州

示禁迎神賽會由

爲再行剴切曉諭。以惜民財而安閭里事。照得律載軍民裝扮神像。鳴鑼擊鼓。迎神賽會者。杖一百。罪坐

爲首之人等語。例禁最嚴。前因承平日久。地方富饒。城鄉百姓。亦復各安耕鑿。每遇迎神賽會之時。尙無奸匪竊發之事。地方官曲順輿情。遂亦稍寬禁令。兵燹之後。財盡民窮。兼之米糧食物。無不昂貴。諸從節省。尙恐終歲辛勤。不敷一年日用。何堪以意外之糜費。再奪其正用之資財。且散勇游兵。往往藉端生事。尤不可不預爲防範。茲本部院訪聞各屬鄉鎮。漸有迎神賽會情事。其故由於鄉民愚蠢無知。以爲迎神賽會。可以得福。殊不知此皆爲首之人。冀圖歛錢肥己。倡此禍福之說。以惑愚民。究之所謂福者。茫杳無憑。而附近村莊。重則被劫。輕則被竊。其禍立見。且出會之處。間以演戲。游手光棍。復藉此開設賭場。小民

撫吳公牘

卷之三

三

誤入局中。一擲卽成空手。及至反本不勝。任憑剝衣抵償。賭博之禍。又如此。在會之人。或因分錢不均。激成毆打。不逞之徒。或因酗酒猖狂。自開仇覺。鬪毆之禍。又如此。並有年輕婦女。因而被人引誘。抱恥牆茨。甚有相約潛逃。永罹陷阱。姦拐之禍。又如此。吾民須知。福在自求。如果孝弟力田。卽不迎神賽會。神必錫之以福。若其作奸犯科。卽使終日迎神賽會。神亦必降之禍。況正直之神。明斷不樂此無禮之祈禱。名爲敬神。實則侮之。吾民又何苦以有益之錢財。作此無益之舉。動乎除飭縣隨時訪查。嗣後如有首倡迎神賽會者。不論紳董。民人。准其照例嚴辦。毋許姑容。外合行重申例禁。剴切示諭。爲此示仰各屬諸色人等。

一體遵照毋再狃於積習致蹈刑章該地方文武官弁如不嚴行禁止亦卽隨時參辦切切特示

一出示

爲通飭事照得民間迎神賽會本干例禁禁兵燹以後財盡民窮散勇游兵藉端滋事尤應嚴行查禁以惜民財而安閭里合行頒示通飭札到該基章將發去告示徧貼城鄉仍由該某隨時訪查如有不遵許將爲首之人照例嚴辦並將貼示處所開摺申報仍將如何禁止如何嚴辦如何切勸百姓曾否遵照不遵者究係何鄉何人明晰聲覆毋得徒以業經貼示一空稟了事也切切特札

計發告示二十張

撫吳公牘卷之三

五

札蘇松等五屬各廳州縣查催露柩曾否收埋淨盡一案

爲嚴札查催事照得各屬暴露屍棺先經本部院於上年八月二十六日札飭各司道府州廳遵照通飭各屬確查未葬棺柩尙有若干勒限冬至以後大寒以前一律埋葬又於上年十二月二十三日頒發簡明告示通飭江蘇各州廳縣遵照限於本年清明以前一律埋葬淨盡旋據江甯府具詳委員將所屬七縣屍棺收埋完竣又據江都豐縣常熟昭文太湖宜興荆溪寶山八廳縣先後申復均已收埋淨盡並據吳江震澤華亭婁縣青浦江陰六縣申送埋葬棺柩數目清冊聲明尙有未葬棺柩隨時收埋各在案其

餘各州廳縣均未據詳復實屬玩視究竟曾否遵札
確查是否一律埋葬淨盡合行嚴札查催札到該
司卽轉飭遵照迅速確查如有未葬屍棺務期趕緊
一律埋葬淨盡具覆查考勿再延宕切切致干重咎
切切

札
兩長洲元和吳縣崑山新陽五縣
藩泰無錫陽湖武進金壇溧陽四縣
司丹徒丹陽明嘉定四縣
太倉鎮洋崇
泉儀徵泰州高郵寶應東臺興化
化七州縣山陽阜甯鹽城清河安
安東桃源六縣銅山沛縣蕭縣揚
州山邳州宿遷睢甯七州縣
州沐陽贛榆通州如皋泰興海門
縣七州廳縣

加函致江藩司

撫吳公牘卷之三

古

蘇屬三年以來報已葬者計三萬三千餘棺派員查
勘亦復相同存者皆富貴家或以覓地未得選日未
就為辭然未葬者亦寥寥矣江屬除江甯已報埋葬
淨盡外餘則屢檄不應卽祈尊處幫同嚴催必得確
實回信為準准徐連年水旱或亦露柩太多所致該
處民窮已極擬於釐局酌提閒款設立義塚無力者
由官為之代葬力能自葬者聽如尊意以為可行望
卽派員分往勸辦此事果諧或可感召天和乎

蘇郡紳士潘編修等呈請籌還義倉存款由

積穀為救荒善政近年省城義倉經理得人儲備充
裕著有成效據請將存司借動善後之三四年年租
錢籌款撥給添建倉廩惟司庫現在有無開款可以

籌還仰蘇藩司卽速通盤籌畫分限歸楚詳復飭遵
此批。

牌示

江西撫院咨商籌辦海運事宜由

爲咨商事。同治八年六月二十三日。准江西撫院劉
咨江西漕糧迭准部催籌運本色。因造船剝運巨款
難籌。是以未經定議。茲閱邸鈔。貴部院敬陳妥籌漕
運一條。聲敘招徠船隻情形。將來江西米石辦就。東
衛等船。能否卽時應手。夾板輪船。能否隨時租賃。應
請詳爲指示等因。到本部院。准此。查東衛等船。日就
衰微。勢難振之使起。爲將來長久之計。舍設立輪船
公司一層。此外別無辦法。合行鈔咨札飭。札到該道
撫吳公牘。卷之三十一
卽便遵照。會同松滬捐釐總局劉道製造局馮道。督
同徐丞翁丞陳丞妥密確議。詳復核辦。該道等向來
用心周密。必能通盤籌畫。使可見諸實事。不徒以空
言塞責也。切切。

札署蘇松太道

撫吳公牘卷之三十三

婁縣稟到任辦理漕務情形由

稟摺均悉。該令於下車之初。尙能堅起脊梁。認真幹事。所言地方情形。亦各有條理。本部院卽將因言而觀行。由始而察終。尙其勉力爲之。實心任之。以副厚望。繳。

飭屬修理橋梁

爲札飭事。照得徒杠輿梁。爲王政所自始。而修廢舉墜。尤善後之要圖。蘇省兵燹之餘。各州縣境內。所有大小橋梁。類多傾圮。以致衝要之區。往來阻滯。行旅維艱。其設有渡船之處。往往人多爭濟。傾覆堪虞。而無賴之徒。又復勒索客錢。緣以爲利。是以潞河私渡。

撫吳公牘

卷之三十三

一

李裕以爲病民橋梁不修。王周引爲已過。賢有司抗懷往哲。目擊民艱。欲爲利涉之占。宜切鳩工之計。合亟札飭。札到該司。立卽通飭各屬。詳細確查該管境內。有橋被拆毀。未經興修處所。共計若干道。分別開明地址。凡通衢大道。固繕葺之宜。先卽僻壤窮鄉。亦經營所當及。勒限於札到一月內。開摺稟報。一面邀集公正紳董。核實估計工料。其應如何籌款之處。並飭妥議章程。稟候核奪。毋任視爲具文。切切特札。

札蘇藩司

臬司詳吳江王導燧等共毆王萬塀身死一案

審擬由

簽按察司知悉。據該署司詳解吳江縣民王導燧等

共毆王萬邨身死一案。審招到院。據此查此案。該犯王導燿。與楊徐氏。如無通姦。何遽聽勸服禮。王萬邨既勸令王導燿服禮完事。次日如何向王導燿用言嘲笑。以致口角爭毆。起衅根由。本屬閃爍。迨王萬邨扭住該犯胷衣欲毆。該犯既經掙脫。並不回毆。亦不脫逃。直待楊矮五潘諗得。毆傷王萬邨右乳左脇右脇。潘得明毆傷朱見山左額角左肋。該犯始稱欲逃。嗣被王萬邨毆傷左臀。該犯奪過扁擔。將王萬邨毆傷左眉。倒地爭毆。下手情形。亦恐尙未確切。檢閱該犯初供業經訊認。與楊徐氏調戲成姦。楊徐氏亦供認不諱。如果姦匪逞兇。將王萬邨毆傷致斃。情節較重。現既供情未確。將來辦理秋讞。亦覺稍費躊躇。儻

撫臬公牘

卷之三

二

實係楊繼生疑姦肇釁。致釀人命。似亦未便置之不論。合行簽飭。簽到該司。即便遵照。轉飭蘇州府督同局員。再行提集研訊。王導燿果否並無與楊徐氏通姦。王萬邨如何用言嘲笑。口角爭毆。該犯果否身先受傷。奪過扁擔回毆。適傷王萬邨左眉倒地。楊繼生應否免其置議。由司復審。妥議解辦。毋延。此簽。仍繳計發長詳。招冊解批。小看四件。

簽臬司

淮安府稟覆清安二縣便民等河興挑一案。由稟悉。河工耗費。爲向來官帑一大漏卮。一則估勘。浮多易滋。員董人等中飽之弊。一則工程不實。虛糜尤在無蹟之中。故此。次挑挖安清兩邑便民等河。不能

不於興辦之初慎之又慎且事關

國帑予限攤徵在民間雖以大利歸農輿情允協而分
年歸款事更多手弊竇卽由此生應飭清安兩縣將
河道估冊逐細覆核勿使稍有浮冒並將該兩縣熟
田畝數查明若干每畝應攤錢若干立限幾年徵完
一一扣定開摺一併詳辦方可施工至張家河本爲
清邑東境便民戴范兩河洩水之區乾隆年間曾經
挑挖有案可據宜將淮安府清河縣志各條鈔錄出
示曉諭庶足以關其口而奪其詞若係該處人民多
方阻撓卽應指名稟辦兩邑水利關係非輕不可惜
小費而失大利務卽催督該令等起將圖冊造呈核
定以便於雨水未降之前刻日動工斯爲有益新漕
撫吳公牘

卷之三

三

折價不准浮收業已三令五申何以清邑尙有驢錢
川錢飯食等名目該縣差役實屬藐玩已極該令何
以知而不究若必待有人指控則書差需索之弊已
不可勝言矣應飭該令查明稟辦一二以儆將來清
邑如此他縣諒亦難免并卽認真一體查訪隨時稟
明究辦蟻穴潰堤端不在大不能不思患預防也聞
鹽城收漕最無弊竇本部院喜不可言感不可言該
守能勸諭各屬統如鹽城之弊絕風清乎繳

加函

江南年歲多豐由於水利全脩也江北年歲多歉由
於水利失修也弟前此屢懇執事將所屬水利設法
興修誠以天下大利必歸農若水利不修則旱無可

灌水無所洩。農事敝而大局不可爲矣。抑猶有進者。聞徐沂二郡之間。百姓業已播種。畧粟誠恐傳染至。淮則民風不可救藥。蓋畧粟種於旱地。尤易發舒。而又獲利較豐。清安二縣連年因旱歉收。萬一百姓計無復之效。種畧粟流毒閭閻。何所底止。然我輩既不能爲百姓興修水利。代籌生計。俟其鋌而走險。始悔防範未周。抑亦晚矣。務祈文到後。卽日督同清安二縣將張家便民戴范三河。速日興工。經費不足。敝處當設法源源接濟。勿以爲慮。天下事與其挽之於既然。窒礙多而圖終鮮獲。不若防之於未然。枝節少而成效可期。趁此時百姓尙未深諳種煙之利。思患預防尙易爲力。然切勿將此意明宣於衆。所謂民可使

撫吳公牘

卷之三

四

由之不可使知之也。雲圖兄處已切函懇其嚴禁。然已落第二乘文字矣。書差私勒事。昨已附函奉達。茲不贅。

疏通海屬水利

爲札飭事。照得海州所屬地方積被水潦。無歲不歉。本部院於上年十一月札飭該州察勘辦理在案。茲查該處河道情形。有應開通者。二有應堵閉者。一有應建閘者。一有應挑挖者。一沐邑侯家河與錢家集之分土城兩處。上年官兵修築長圩。堵南六塘之水。并入北塘河。原係一時權宜禦賊之舉。然平墩窪等處。去年夏秋受害已屬不淺。亟應早爲疏通。以分水勢。乃安東縣文生丁攀衢等。輒行控阻。開放意欲以

鄰爲壑。是誠何心。此應行開通者一也。該州大伊山以南之河。由灌河口入海。大伊山以北之河。由車軸等河入海。而以車軸爲最暢。近年葦蕩營於車軸河之大柴市。初築草堰。後遂移爲底堰。以致水不暢消。啟放之時。民多不便。藉口養青。貽害田畝。舍禾苗之貴。愛蘆葦之賤。便一營之私。爲全州之病。此應行開通者一也。自湯澗河之周家口決後。連年平墩窪等處。無可消納。盡成澤國。爲害實深。此應行堵閉者一也。該州城東之水。由新浦臨洪口入海。每逢新浦運鹽之時。設壩蓄水。以資浮送。惟設壩究竟開放不時。不如改壩爲閘。水大則開。水小則閉。一勞永逸。商民俱便。此應行建閘者一也。又從前州南之水。由薔薇

撫吳公牘

卷之三

五

河漣河兩道會於新浦以下。今漣河淤墊。薔薇河之支港。亦不能宣洩。查漣河之上流。有丁當河。舊又分洩於小伊河。爲道較捷。淤墊亦淺。施工稍易。若將此河修復。分殺水勢。亦治水之一端。又板浦河東。向有漣河一道。俗名善後河。水不暢行。亦宜疏濬。此應行挑挖者又一也。以上數端。自應分別緩急辦理。以除民害。合行札飭。札到該牧令等。卽便遵照。先將侯家河分土城兩處。上年禦賊築埝堵閉之處。剋日督飭地方。開通復舊。具報查考。如有刁生再行阻撓。卽指名稟辦。其餘亦卽次第籌款興修。不可視爲具文。切

高涪縣稟匪徒繫帶石墩鐵桿擬式請示由

此案前據該縣具稟業經批司核詳在案茲據稟前
情查刑具均有定式儻不遵斤兩尺寸違例造用應
照擅用非刑例議處又江蘇徐淮海三府州所屬匪
徒如有佩帶凶器刀械挾詐逞凶罪止枷杖者拏獲
到案後各於枷杖後鎖繫鐵桿一枝一年改悔者釋
放若不悛改再繫一年儻始終怙惡按其情節照棍
徒屢次行凶擾害例分別嚴辦例有專條該府州屬
自應循照辦理茲該縣既擬將王長坤一犯鎖繫鐵
桿應毋庸兼帶石墩其現擬鐵桿斤兩尺寸是否與
定式相符亦應由司分別移行徐海道淮安府確查
具復轉飭遵照未便擅造至王長坤係江甯府屬匪
徒並非准徐海三府州所屬現既爲懲創凶徒起見
准予推廣仿辦似仍不能不將某府州屬仿辦緣由
奏明立案抑應如何分別示懲及明立限期俟此風稍
息仍照舊例辦理之處仰按察司遵照批指再行悉
心查議限正月內通詳核奪毋延並行該縣知照仍
候督部堂批示繳摺存

飭司核議蘇屬簡缺州縣應否仍歸輪委

爲札飭核議事照得甯蘇兩屬委署州縣各缺曾據
詳議章程以要缺仍歸酌委部選之缺分班輪委在
案本部院現查甯屬州縣尚有輪委一班惟蘇屬自
詳定後循行未久辦理不無歧異除繁要缺分應循
舊酌委毋庸更張外所有蘇屬簡缺州縣應否照章

釐定仍一律改爲輪委。以昭平允之處。合行專札飭議。札到該司立即遵照。參酌舊章。妥協核議。詳奪毋遲。切切。

札蘇藩司

飭查同治七年下忙告示有無浮勒

爲特札飭查事。照得蘇松常鎮太五府州屬各廳縣所送同治七年下忙。啟徵錢糧斗則簡明告示。本部院詳細校核。吳江震澤銀米併入一示。尙屬簡淨。上海婁縣青浦金山寶山武進陽湖荆溪未列詳價。雖據聲明另有條示。惟告示內究屬遺漏。太湖因錢漕數少。未經刊示。亦屬參差。常熟昭文無錫未列洋價。亦無隨時條示之語。均屬率畧。崑山新陽連清丈更

撫吳公牘

卷之三

七

正經費一併列入尙屬細緻。其餘各處均尙妥適。以上各州廳縣其中有無言行不符。書差是否。仍有浮勒以及低作洋價。高抬銀價。陽奉陰違。情弊所有從前積習。曾否全行禁革。合行飭查。札到該司立即照指飭各情。由司復加考校。嚴密確查。具復。如有情弊。或再於本年啟徵上忙含糊出示者。卽行據實詳請分別撤叅懲辦。毋稍瞻徇。切切。特札。

札蘇藩司

蘇屬漕糧告示分等行司

爲札飭事。照得各屬徵收錢糧漕米。節經飭令將田地山蕩上中下科。則每畝應徵銀米各數。照定價合錢若干。銀洋照市作價收繳各層。逐一條列明白。出

示曉諭使花戶一目了然。以免書差人等朦混多收。茲查同治七年分收漕示式。除嘉定寶山二縣已據呈明。應俟今春啟徵時。刊刻曉諭另送外。其餘蘇松等五府州屬各廳縣。已據陸續送齊。本部院詳細校核。吳縣尙爲詳明。崑山新陽連清丈經費一并列入。青浦連帶捐義倉錢數一并列入。均尙細緻。華亭婁縣奉賢宜興四縣將洋價一并開列。亦屬詳細。太倉告示分別十二月初十日前後。鎮洋告示分別十二月十五日前後。將應完錢數逐細開列。洵爲詳備。長洲武進金匱荆溪四縣每畝科則之下。祇列米數。未將完納折價錢數逐一登註。元和扣徵總數另行出示。並未將每畝應折細數刊列於斗則示內。均欠周撫吳公牘

卷之三

八

委南匯金壇二縣。僅據鈔呈示式。未將告示刊送。俱屬含混。其餘各廳縣均尙明順無疵。合行札飭。札到該司卽便轉飭各屬一體遵照。並令嚴查。拒書差保人等。有無浮勒病民。低作洋價等弊。儻有違犯。立提懲治。如該牧令徇隱不究。定干叅辦。其此次示內未能詳備之處。並令於下次開時。逐一條列明晰。刊刻刷印。毋再舛漏。切切。

加函

現在各牧令均尙自愛。未必敢公然浮勒。所可慮者。書差暗中需索耳。祈於公牘外加函切懇。諸君子時常巡行阡陌。勤爲察訪。則丁漕之有無。浮費不難心

目了然。凡事只怕自己要錢。此則無可如何。若自己既不要錢。而肯任書差享其利。本官受其害。想世間亦無此種愚人。公愛民有素。耳目又通。乞以禿管焦唇釀為和風甘雨可乎。

江屬漕糧告示分等行司

為札飭事。照得淮揚各屬徵收錢糧漕米。前經飭令照蘇屬辦法。將上中下田地山蕩科則。每畝應徵銀米各數。按照奉定價值合錢若干。銀洋照市作價若干。逐一條列明白。刊示曉諭。使糧戶一目了然。以杜柜書差保膠混多收在案。茲查同治七年徵漕告示。除海門廳因徵米無幾。飭辦時已徵有成數。詳准展緩刊辦。又安東縣並無應徵漕米外。其餘各州縣已

撫吳公牘

卷之三

九

據陸續刊示呈送。本部院詳細校核。內山陽各式告示。均極簡明。業經批司通行。清河未將銀洋價值列入。僅據聲明隨時牌示。鹽城既係一則科徵。告示後尾又列有完米一斗至一升各數目。自係指花戶彙總應完數目而言。惟聲紋殊不明晰。泰州未將洋價列入。僅據聲明懸示。柜前江都甘泉二縣。將科則細數另行黏單。雖似簡淨。究與示式不符。仍恐將來易滋弊混。且洋價亦未列入。儀徵告示並無科則。據稱向來均憑徵冊造串徵收。未經分晰科則。且各業執田糧數。以科則核算。均多不符等情。究竟有無別項情弊。又每米一石折銀三兩六錢。其以錢洋完納者。如何作算。亦未聲敘。興化告示除弊之語似詳實。應

未將科則折錢細數開列。洋價亦未列入。豐縣並無科則細數。沛縣尙爲簡明。宿遷不遵刊刻刷印。前已申飭。海州首先詳明刊示。前已札獎。贛榆杜弊之語尙屬詳晰。惟科則細數並未條列。通州疊次告示。均尙詳明。此外各處俱稱適中。合行札飭。札到該司卽便轉飭各屬遵照。並令嚴查。柜書差保人等。如有浮勒病民。低作銀洋二價等弊。立卽懲治。其此次刊示未能詳備之處。並令於下次務遵定式。逐一詳細刊列。毋再舛錯遺漏。切切。

札江藩司

加函

江北牧令刊刻錢漕告示。深慮其不中繩墨。乃竟能

撫吳公牘

卷之三

十

按部就班。實爲喜出望外。此皆我公教督有素。故成效可觀耳。宿遷爲平原。獨無之舉。本擬嚴劾。姑念立法之初。只好畧打空雷。天下事創法難守。法易此章。只要辦下兩三年以後。便可源源遵照。爵相初慮此事。未必能諧。今聞之喜可知也。聞已出都。確否。

通飭遍貼銀米斗則告示。並於串票內加蓋折收錢數紅戳。

爲札飭事。照得本部院節飭江南江北各屬。於丁漕開徵時。將田地山蕩分別上中下科則。註明每畝應完銀米數目。合錢若干。銀洋照市作價收繳。逐一條列。刊刻簡明告示。遍貼城鄉。俾家喻戶曉。書差無從高下朦混。各州縣均已遵辦。民皆稱便。但各該州縣

刷貼告示。恐僅於各集鎮人烟稠密之所。畧貼數張。僻壤窮鄉。未能周遍。鄉民或未盡知。仍受書差之欺。朦索擾。應令各屬將田地斗則。每畝應完銀米合錢數目。刊刻明晰。告示無論城鄉市鎮。俱須遍貼。大縣以貼滿一千張為度。小縣以貼滿六百張為度。如有鄉鎮未經遍貼。一經查出。定將該地方官記大過二次。並飭於串票上加蓋紅戳。註明每兩地丁實收錢若干文。每石漕米實收錢若干文。正款之外。絲毫不取等字。庶鄉民一目了然。比戶皆知細數。書差地保亦無從再施伎倆。合行札飭。札到該司府州廳縣。即便併飭所屬一體。自本年上忙為始。遵照辦理。限一月內。各將告示加戳串票式樣。通送查核。毋違。

撫吳公牘

卷之三

十一

札兩藩司各府廳州縣



此項告示。恐僅於各集鎮人烟稠密之所。畧貼數張。僻壤窮鄉。未能周遍。鄉民或未盡知。仍受書差之欺。朦索擾。應令各屬將田地斗則。每畝應完銀米合錢數目。刊刻明晰。告示無論城鄉市鎮。俱須遍貼。大縣以貼滿一千張為度。小縣以貼滿六百張為度。如有鄉鎮未經遍貼。一經查出。定將該地方官記大過二次。並飭於串票上加蓋紅戳。註明每兩地丁實收錢若干文。每石漕米實收錢若干文。正款之外。絲毫不取等字。庶鄉民一目了然。比戶皆知細數。書差地保亦無從再施伎倆。合行札飭。札到該司府州廳縣。即便併飭所屬一體。自本年上忙為始。遵照辦理。限一月內。各將告示加戳串票式樣。通送查核。毋違。

徐海道稟委員查勘沐邑侯家河似應照舊啟

放由

據稟已悉。上年官軍勦辦捻逆。於侯家河修築長圩。堵水並入北六塘河。原係一時權宜禦賊之計。事平之後。亟應及早開挖。以利水道。乃安東縣文生丁攀衢等。輒復控阻。以鄰爲壑。是誠何心。頃於海州陳牧稟陳水利情形案內。業經分飭沐陽安東兩縣。一面將該處水口挖通。一面將丁攀衢等詞切實批駁。如再阻撓。卽將該文生提究。仰該道會同淮揚道督飭安沐兩令。委商啟放。總以復舊爲止。仍一面將侯家河兩岸堤工。設法修築完固。庶六塘河之水。得以源源下注。不致旁溢。旣免海沔昏墊之災。亦消謝家莊撫吳公牘

卷之三十三

三

人民紛爭之釁。仍候督部堂批示。繳

加函

訪聞徐屬近山東境。有種植罌粟之事。未論究竟種有若干。前以公牘行令徐海二屬查復。如石投海。至今並無復音。殊深盼望。務求嚴爲查禁。牧令能禁令淨絕者。爲之專摺

奏

保。任聽蔓延者。分別嚴叅。做處擬商之制軍。不日卽當會文通飭。此物如大麻瘋。能頃刻傳染。如蝗蟲遺孽。除不乾淨。隨後必致在院滿院。在谷滿谷。非草薶而禽獮之不能絕。其根株我兄平素痛恨此物。何不趁此事權在手。爲之斷盡葛藤。海屬水利湮塞。旱無可灌。水無可消。故致庚癸頻呼。罌粟不怕水旱。獲利

又豐蚩蚩者惟利是圖安得不舍本逐末將來煙田日多農田日少十年以後必有室如懸磬野無青草之一日故望公大聲疾呼嚴切示禁尤祈公以興修水利爲拔本塞源計也

各學月送宣講清摺彙別等第分記功過

爲札飭事照得本部院前通飭各州縣及所屬教職按月督率講生宣講

聖諭

並觀風問俗各事宜自戊辰年九月起每月終逐一臚開清摺二分送交該州縣轉報將來年終彙計之期卽以此事之能否認真定各教職之功過在事講生亦卽以勤惰分其優絀等因在案茲截至本年十月二十封印之日止本部院彙閱各州縣送到教

撫吳公牘

卷之三

三

職九月十月十一月宣講清摺酌別等第以課優劣分爲一等二等三等及不列等共四等前三等因所送清摺別其能否認真其不列等則並清摺而無之者也合行開單札飭札到該司卽便查照單開等第分別行知除溧陽宜興昭文青浦各該縣教諭訓導業經記功記過註冊飭遵外其新陽縣訓導殷元善奉賢縣訓導黃振均三次一等應各記大功一次南匯縣訓導楊驥川沙廳汪祖綬二次一等應各記功一次武進縣教諭范培二次一等原應記功惟九月摺未送至丹徒縣教諭徐斗文九月十月十一月摺未送三月不列等應記大過一次上海縣教諭胡景星十月十一月摺未送丹徒縣訓導夏均轍九月十

一月摺未送。金山縣訓導吳炳宸十月十一月摺未送。吳江縣教諭吳世泰九月十一月摺未送。均二月不列等應各記過一次。均卽由司分別註冊。飭遵以示勸懲。其各講生之勤惰。卽飭由各該廳州縣學分別獎勵。留去。以分優絀。並飭各學清摺。務於每下月十五以前。卽行送到。毋有稽延。仍飭認真舉辦。毋或怠玩。切切。此札。

計開單

札蘇藩司

加函

學官安坐衙齋。毫無一事。且恐因閒得病。負此盤中。今令該學官携同講生赴鄉宣講。既可破牖愚蒙。又可諳習民間疾苦。備他日製錦之用。乃各學官始則

撫吳公牘

卷之三

古

多方推諉。繼且敷衍塞責。若以非分內事也者。然則逼勒諸生贊敬。需索新進謝儀。始爲分內事乎。旣稱曰教諭。試問所教所諭者何事。又名曰訓導。試問所訓所導者何人。循名責實。該學官當亦啞然無以自解。推宕之員。旣經記過。奮發之員。如黃振均等。似宜爲請優獎。庶足使聞風興起。小學爲立身根本。不惟鄉塾宜按人分領。且宜使學官逐條爲之解說。領悟者報名請獎。牧令以時抽查。志趣旣能端於初學。趨向庶不惑於中途。羅忠節小學韻語。尤爲蒙童必讀之書。惜有內編而無外編。尙是缺典。擬囑局員補緝。廣爲傳布。勝孩童讀三字經也。

撫吳公牘卷之三十四

溧陽縣稟幕友品行端方並不常赴賭場由

溧陽幕友喜賂。係據該縣紳士宋守面稱。並非無稽之談。且幕友苟且。則無人不知。若不苟且。則關防嚴密。紳民何自知其名姓。該令所稱該幕毫無苟且。溧陽紳董百姓。無不知之。是何異以市人而宣傳處女之貞潔乎。況民但知有幕。而不知有官。該令尙自居何等乎。又稱並不常赴賭場。然則賭場豈可偶然一赴乎。本部院爲愛惜該令聲名起見。該令有則改之。無則加勉。慎勿始終受人之愚而不覺也。仰蘇藩司速飭鎮江府確查稟復。繳稟鈔發。

飭查東臺縣監押人犯與牌不符

撫吳公牘卷之三

一

爲札飭事。據委員稟稱。上年十二月十八日。至東臺縣查閱監押人犯。與牌示不符者。共有二處。一於大興樓下。查得蔣席儒一名。牌示無名。詢係十二月十五日管押一於官媒潘張氏家。查有女犯張蕭氏葉夏氏二名。牌示均無名。又據摺開鹽班房內陸三壽小一名。詢係同治三年進押各等情。核之該縣冊報。陸三壽小註係六年三月初六日收押。因何日期不符。合行一併飭查。札到該道。即便派委妥當可靠之員。改裝易服。前往密查。刻日稟復核辦。若該道任聽委員。訛詐程儀。以一空稟了事。則大負本部院諄諄見托之苦心矣。

加函

懸牌而仍私押豈不空費我輩一番除弊苦心。既自愧教督无素。又重念予遺黎民。何日得出苦海也。委查之員宜直告以做處業。已確訪在前。隱瞞只是代人受過。或冀可以和盤托出。凡法不立則已。立則勢在必行。否則徒滋弊竇。故有望於執事之認真覆查。俾可懲一儆百。清安挑河已開工否。執事素以饑溺爲懷。乞與秋亭速圖之。再蔣席儒係因不聽經書。將熟報荒觸怒受押。該令任人發縱。眞可謂之活菩薩矣。一歎。

札飭密查如皋縣監押各犯與牌示不符

爲札飭事。據訪查委員稟稱。去年十二月二十四日。

撫吳公牘

卷之三十四

二

訪查如皋縣監押各犯與牌示不符者。共有四處。一壯班房在縣大堂西偏。押犯十四名。內左語福湯廣大陸扣三名。係差保收押。牌示無名。馮錦剛十月十六日到押。牌亦無名。一皂班房在縣署東首。押犯八名。內陳長林沈二常葛接兒三名。牌示無名。一縣南首慶和堂客寓內。押監生邵廷宣一名。係十二月十九日進押。牌示無名。一南盛樓官飯店。押犯六名。浦大和浦二和孫守成施萬源張子牧張鴻翔。牌示均未開列。而該店粉牌登列各人名。下均有原差姓名。詢據浦大和浦二和稱。係十月二十六日到押。孫守成十二月十七日到押。施萬源十二月初五日到押。張子牧十二月十八日到押。張鴻翔十二月二十二

日到押。又於正月十八日到通州。訪查該州周姓飯歇內有郭王春一名。牌示無名各等情前來。查該縣任聽差役私押。至十四名之多。憤憤如此。真堪詫異。若不認真振頓。何以出斯民於水火之中。合行飭查。札到該道。立即密派妥當可靠之員。改裝易服。前往密查。迅速稟復核辦。此事係爲杜絕私押計。並非爲調劑委員計。務祈面囑委員。勿看錯題目也。此札。

札常鎮道釘排

通飭各屬。凡遇命案相驗。嚴禁書差需索使費。

勒石永禁

爲通飭事。照得地方官相驗命案。例止許隨帶件作一名。刑書一名。皂隸二名。一切夫馬飯食。俱自行備。

撫吳公牘

卷之三十四

三

用不許書役人等需索分文。乃訪聞蘇省遇有命案相驗。隨帶書差跟丁人夫。往往多至二三十人。輒向屍親犯屬地鄰。索取屍場使費。甚且有望鄰飛鄰名目。株連蔓引。比戶驚惶。殊堪痛恨。夫以屍親含冤。克犯議抵。爲小民至哀至慘之事。乃書差等反因以爲利。竟欲雪上加霜。以居近里鄰。誼關族戚。實案外並無干涉之人。而若輩偏藉此誅求。大煽城門之火。在接受者既吞聲而飲恨。在聞者亦扼腕而咨嗟。爲民父母之謂何。本部院參稽羣議。搜剔弊源。僉以爲欲禁書差之需索。必先優給書差之公用。尤應減省書差之人數。爰將下鄉相驗各項逐條逐款。參酌定章。通飭各廳州縣一律辦理。合行札飭。札到該某。即便轉

勸遵照後開章程。凡遇一應命案。下鄉相驗。務須輕輿減從。一切費用。照例自行捐給。詳明立案。此後如有書差人等。藉端滋擾。索取屍場規費分文者。嚴行懲治。以甦民累。儻地方官不卽嚴行禁止。准受害之家。赴該管上司喊控。以憑分別叅辦。仍一面全鈔札文。並後開各條。出示曉諭。立碑城隍廟前。以期永杜弊端。限本年三月內。摹揭示式呈送。此係各州縣造福無疆之事。減一時之官樣。便省書差數十人之騷擾。分一勺之廉泉。便除小民數十家之拖累。各宜實心遵辦。以副厚望。切切特札。

計黏鈔章程

札泉
江蘇各廳州縣司

撫吳公牘

卷之三

四

今將相驗各款。明定章程。詳列如左。

計開

相驗項下

承行一名 每日飯食錢二百四十文

招房一名 每日飯食錢二百四十文

件作一名 每日飯食錢四百文

阜快二名 每昭飯食錢一百八十文

行杖二名 每昭飯食錢一百四十文

以上隨帶書差。已照例定額數。量爲增加。不准於現定名數外。再有多帶。能減者更善。

跟班二名 每昭飯食錢一百四十文

厨役一名 每日飯食錢一百四十文

轎夫四名

每昭飯食錢一百二十文

織夫一名

每日飯食錢一百二十文

以上隨帶夫役書差人等總共不得過十五名。

地保伺候

每案給飯食錢五百文

土工

每案飯食錢四百文

搭屍廠

給錢壹千文

本官船一隻

每日錢壹千文

書差轎織船二隻

每曠錢八百文如無船者

雇小車每曠錢四百文

蘆蓆

給錢二百二十四文

燒酒

給錢三百文

撫吳公牘

卷之三十四

五

蒼朮白芷

給錢一百文

紅白布

給錢一百四十文

銀硃筆墨

給錢六十文

屍格

給錢二百文

刑書招詳紙張錢八百文

招解案加二百文

招書辦稿一切紙張錢三百文如不招解減半

代書紙張錢二百文

以上隨帶書差人等一切飯食及各項費用

均由該廳州縣自行捐廉給發不許向民

間分派絲毫

教官講生月領薪水飭令印官加結報明

爲通飭事。照得本部院訪聞各屬教官講生。往往有但領薪水。而未能按期宣講者。玩忽欺蔽。殊堪詫異。亟應嚴行考察。免滋糜濫。合行札飭。札到該司。卽便轉飭各廳州縣。嗣後各該教官講生。月領薪水。應由印官確查。是否不致有名無實。加具印結。並無虛領字樣。附詳報明。以昭核實爲要。此札。

札蘇藩司

溧陽縣申送七年十一月十二月分宣講清摺

由

清摺閱悉。據稱請飭令各縣將教官講生所領薪水。於月報摺內。據實附行開列。以免浮領之弊等情。尙

撫吳公牘

卷之三

六

爲切中情弊。已另札行司。通飭各該縣將教官講生所領薪水。應由印官加結。並無虛領字樣。以昭核實矣。講生楊汝霖。捐洋助設學具。數雖不多。足見該生好義樂善。不獨以言勸人。仰由該縣給匾獎勵。至朱栢廬家訓。及二十四孝圖說。已札蘇藩司分發各縣轉給矣。餘均如所稟辦理。切切。此札。

華亭縣申送郭友松詩文稿由

據申送貢生郭福衡所著詩文各稿。本部院細加衡閱。經說一卷。猶沿乾嘉以來講經家之遺緒。采集甚博。而斷制未精。文則守桐城宗派。而取法乎歸震川。頗有閒雅之筆。詩亦具有法律合觀諸稿。雖不能卓然名家。實不爲俗學所囿。讀書淹貫。誠未易才。仰該

令傳諭嘉勉。該生家道何如。應否酌量資助。該令以時存問可也。原稿三件發還。此札。

札查如東泰通各卡索費重罰

爲札查事。照得本部院訪聞如皋縣東南兩門外各有釐卡。其沿河一路力乏橋丁堰鎮亦有釐卡。又有分卡。各卡收捐錢則每千索盤費十文。銀則每兩短作兩色。洋價每元短作三十文。扞手使費照捐加二。此外尙有捐票錢二十四文。照票錢六十四文。其聲名之壞。以力乏橋一卡爲甚。扞手費亦較多。照票捐票之錢。均比各卡加倍。罰款開口十倍。究竟三四五倍不等。又訪聞東臺縣新壩之西。有捐釐局一處。扞手人等種種刁難。貨多而價昂者。每船須洋兩三元。撫吳公牘

卷之三十四

七

尋常貨船。自三四百文。至七八百文不等。另有票錢二十四文。掛號錢十四文。罰款兩倍。亦有至三四倍者。又訪聞泰州東南北三門外釐卡。三處司事扞手。從中漁利。每洋一元。照市價短作三四十文。罰款開口十倍。約以二三四倍了結。貨物報捐。必須小費。照捐加一。從前尙有掛號費百文。照票費百二十百六十文。過檔費二三十文。現雖稍減。然積習尙未盡除。又訪聞通州東門西門三十里鎮。各有釐卡。西門外之三里岸橋東門外之龍王橋。又各有照票卡。其西門卡貨物約打七折。扞手使費貨多而價昂者。約索費兩元。粗重之物。自數百文至千文不等。洋價每元短作三十文。罰款約自二倍至五倍。東門之卡。扞手

得費遞多。正釐即可遞減。罰款洋價與西卡彷彿。兩處照票卡。各須驗費數十文。如果屬實。均足擾累商賈。合行札飭。札到該司。即便密派委員。改裝易服。前往確查。據實稟復。以憑嚴辦。切切。此札。

加函

抽釐原因。軍餉緊迫。萬不得已而設之舉。乃各卡委員。藉此需索。訛詐。必使膏脂盡竭。而後已。商人偶然漏報。事之恒情。稍罰亦足示儆。乃委員司事人等。視同叛逆大罪。既已非刑用打。而又勒罰十倍五倍。公罰之外。又有私罰。商人飲泣吞聲。惟有聽容之所爲而已。其商之奸黠者。則勾通巡攔司事。議定三折四折報公款。而以三成四成供私求。該司事等。或三年

撫吳公牘

卷之三

八

一充。或一年一充。每充一次。多則千金。少則數百金。以卡之大小爲等差。若輩又何樂以重賞。夤緣一賤。役以自污哉。不過以十之一歸諸委員。而以十之九取諸商賈耳。治身之道。必使血脈流通。而後身無積滯之疾。治國亦猶是爾。今卡員勒索。商賈怨咨。將來貨物屯滯。猶之血脈不能流通。若不認真查辦。定致元氣有傷。鄙意散卡太多。收數少而耗費大。不如酌裁歸併。米麥等物。爲百姓日用所需。似可酌免。此次浮收各員。尤宜擇尤嚴懲。或冀他卡引以爲戒。詩曰。民亦勞止。汙可小康。現在軍務大定。餉事稍鬆。尙乞爲牽車服賈之徒。稍留一線生機。其可乎。

泰州興化監押各犯牌示無名飭查

爲札查事。訪聞上年十二月初間。泰州監押各犯。與懸牌不符者二處。一於馬快班房內。查有沈麻子顧草亭二名。詢係均於十一月二十六日進押。牌示無名。一於州照牆後朝西門面官飯歇內。查有陳芝燦鄭遐趙愷三名。牌示亦無名。又上年十二月初七日。興化縣飯歇內。有葛成之葛宗之二名。詢據葛成之云。係因錢債追繳。六月十七日到押。葛宗之十一月初九日到押。與成之同案。牌示均無名。各等情。據此。查泰州十二月分冊報。捕役管押項下。有顧朝亭沈髻小二名。均註明十一月三十日收押。沈麻子是否。卽係沈髻小。顧草亭是否。卽係顧朝亭。何以收押日期。旣不相符。而牌示又未開列。興化縣押犯葛宗之。撫吳公牘。卷之三十四。九。

加函

札准揚道釘排

私押一事。屢經嚴飭。乃各州縣仍蹈故轍。豈以一行作吏。蚩蚩者遂應任我魚肉耶。該牧令屢次玩法。所以遲遲不忍遽登白簡者。念其得此功名。甚不容易。徐欲觀其後效耳。仍求執事就近再爲勸誡。如該牧令仍任書差私押良民。視若罔聞。只有舍玉帛而干戈。斷不僅以空言囑。已也。乞切實轉致諸君子爲禱。

淮揚道會稟漕范兩隄閘埧涵洞各情形謹陳

管見由

據稟民辦漕隄閘洞全爲民田灌溉而設非爲漕河減漲之用其范隄閘又須挑濬海灘工程浩大興舉不易等語自是實在情形該令前稟應毋庸議惟興化乃極低之區水到先淹實屬可憫該道有漕河之責修漕隄而守郵埧均宜認真督飭員役在在保護毋令下河百姓長受昏墊之害一俟庫欸稍裕再議濬河以分沂泗之水則洪湖多一去路卽下河僉慶安全矣仰卽轉飭知照仍候漕部堂批示繳

咨行江屬詞訟月報功過章程

爲札飭事照得本部院設立詞訟月報原以稽核各

撫吳公牘

卷之三

十

廳州縣是否留心民瘼勤於審理應按三箇月訟案多寡分別勤惰核記功過前經蘇藩司參酌舊章詳經本部院核定凡三箇月內原報二十起以外雖全數訊結毋庸記功四十起以外訊結十成五十起以外訊結九成以上一百起以外訊結六成以上民間詞訟月少一月者均予記大功一次連息銷結案不及三成無論起數多寡應記大過一次儻有上月結案雖多而下月新收浮於所結之數訟風仍熾應仍不准記功或有因案難速結漏報掩飾或並無呈稟案據捏報案由率稱訊結希圖湊數邀功者隨時察辦如本係地廣訟煩之處經該牧令等隨審隨結案無留牘由聽訟馴至無訟是則化導有方民心悅服

應由司專案詳請優獎業經飭行蘇屬各州縣遵照辦理甯屬各州縣訟案多寡情形不同宜如何變通核定嗣後卽按三箇月彙詳一次各在案茲據江甯常鎮二道及江淮揚徐海四府一州參酌章程詳復到院本部院細加核奪如江甯涂守詳稱該屬詞訟三月彙記一次斷不能至百起以外二十起以外全數訊結毋庸記功至連息銷不及三成記過各條槩可仿照辦理惟詞訟月少一月記功並上月結案雖多而下月新收浮於所結不准記功兩條恐啟諱飾壅蔽之漸蓋官能迅速審斷無勾攝之煩需索之苦則輿情愛戴遠邇傳聞鄉曲是非非官不決因而紛

撫吳公牘

卷之三

士

五

紛趨訴此由吏勤而得民情似非訟風日熾可比儻必責令詞訟月少一月方謂有功並以下月新收之案浮於上月所結之數不准記功旣無以表良吏之勤且恐不肖之員意存規避設法消弭使民隱無伸吏治不振等語持論尙屬平允此兩條甯屬各州縣卽照該守所議飭行又淮安章守詳稱有在一百五十起以外至二百起者案牘較煩審理非易訊結五成以上予記大功一次此層亦可照行又徐州朱守稱該屬民情素稱健訟往往批准差提原告避匿不面無從質訊其故由於傳提之難非盡聽斷之懈擬酌量變通四十起以外能訊結九成五十起以外能訊結八成一百起以外能訊結五成以上者記功一

次如在四五十起。並百起以外。三箇月內能全數
訊結。記大功一次。自係因地制宜。應專飭徐海兩屬
案多之地。照此辦理。餘屬仍照蘇屬舊章。至稱三箇
月原報二十起以外。係屬控案本少。並非審斷不勤。
如於期內全數訊結。應予記功。連息銷不及三成。不
計起數多寡。記過一次。不及二成者。記大過一次。此
三條未免過寬。原章應無庸更改。除分批外。合行札
飭。札到該道時。即便轉飭各州縣遵照辦理。毋違。切
切此札。

札 江藩司
常

江甯府

揚州府

海州

撫吳公牘 卷之三

三

寶山縣詳義倉積穀隨漕收繳籌議章程請示

由

據詳並摺均悉。該令捐廉倡建義倉。具見實心任事。甚屬可嘉。該邑不產稻穀。按畝捐錢二十文。采買隨漕收繳。卽於申尾加徵。尙覺簡便易行。應卽照辦。所議各條亦均妥協。惟發典生息一層。易滋流弊。凡官家之錢。呆存則弊端絕少。倉儲積穀。地方民命攸關。但使年復一年。繼長增高。暫計之則不足。久計之則有餘。不宜爭此區區之利也。發典一條。應毋庸議。至經書每捐錢千文。准給錢三文。仍於正項內支銷可也。並候督部堂批示。繳摺存查。

加函

撫吳公牘

卷之三十四

三

陶文毅林文忠謂推陳出新。利小害大。蓋亦有所鑒而云然。朱子在崇安時。起基只有米六百石。若不推陳出新。又何從擴充至一萬餘石之多哉。寶山既可按年捐儲。自以不動原款爲妙。仍祈日積月累。俾有成效。可觀。則崇安社倉之法。不得專美於前矣。予日望之。

札委朱丞勘丈丹徒袁振金控案灘地由

爲札委事。據蘇州府詳復。丹徒縣議敘從九品袁振金稟控沙董張寶夫等串同書差藉端歛費一案。卽經由府提集原被訊明。分別議擬詳辦。所有該職員名下廣元御隆兩洲田灘除已坍准其豁除外。其餘坍剩之地。仍令照數完課執業。其單估之三墩子灘

地。現在究有若干畝。分應請委員會同該員逐一勘丈明確。詳請照例。着令繳價承買。並追歷年所收蘆柴價值。如數呈繳。以杜隱佔。而清課賦。至張寶夫所佔袁晴軒蘆泥灘地五十畝。並請委員一併勘明。飭令繳價承買。設或日後另有張少蘭其人出而爭執。惟袁振金是問等情。到本部院。據此查蘆洲灘地。則報豁漲則報陞。如有坍漲。應行委員會同地方官秉公勘丈明確。例不准業戶單佔影射。爭執弊混。據詳前情。合行鈔詳札委。札到該員。立即遵照。前往丹徒會縣督同該職員。確切查勘。廣元御隆兩洲。實有坍刺地畝若干。其單佔之三墩子灘地。共計若干。並將張寶夫所佔袁晴軒蘆泥灘地五十畝。一併勘明。

撫吳公牘

卷之三

七

分別繪圖貼說。造具段落畝分。四至清冊。聯銜據實通詳察辦。至歷年所收蘆柴價值若干。亦即查明附復。均毋稍任隱混。爲要。切速切速。

札試用同知朱丞

川沙廳詳准法國胡總鐸函致姚和尚強娶楊珠姐一案。訊供由。

據詳楊珠姐自幼許字陸姓。尙未過門。嗣陸姓因匪擾被擄。杳無信息。憑原媒陸惠榮轉還庚帖。楊包氏將女珠姐許配姚和尚爲妻。例內本有夫逃亡三年不還。聽告官給照別行改嫁之文。又查條約中國人願信崇天主教。而循規蹈矩者。皆免懲治。是中國之教民。亦仍應遵中國之律例。並非教民另有律例也。

此案既經南匯縣訊明定斷。諭令擇期迎娶。已與告官給照無異。乃又以陸姓存亡莫卜。不准卽行另許。半年之久。該廳亦以關涉教務。未敢擅專。應否斷令珠姐仍至陸姓守待。依違請示。尤屬洩是。陸氏子被擄。不歸存亡莫卜。已閱九年。楊女與姚和尚夫婦和睦。既非嫁娶違律。豈能強令離異。以待被擄。杳無信息之人。仰蘇松太道核明分別轉飭。照例詳辦。再該地方官於辦理民教一事。往往不能兩得其平。不是矯枉過正。冤屈從教之人。致失一視同仁之意。便是畏首畏尾。有意寬抑。無辜之百姓。致窮簷孤寡。失所流離。此皆由該州縣平日於律例條約不肯認真推

撫吳公牘

卷之三

五

求。故臨事茫無所措。俛俛然如盲夫之夜行。何由使中外相安。民教各得其所哉。此後各州縣辦理民教事宜。總當存一公字。此心一公。則聽斷自無偏倚。聽斷一公。則中外自然輸服。須知外國真正傳教士。無有不講理法。無有不遵規矩之人。其有誤聽不安。本分之華民。怨怛以非禮之事來相爭執者。必係外國流氓。斷非真正教士。該牧令亦當正言爭論。據理開導。不可一味遷就。陷人於罪。如若彼此相持不下。亦可稟明本道。照會領事。衡理定斷。不宜一見教士如同見鬼。見神。毫無把握也。至於無知愚民。捏造毫無影響之謠言。尤當隨時嚴禁。以杜枉誣。該道並移常鎮一體通飭。仍錄報通商大臣衙門。並候批示。繳

徐海道稟復勘豐境不能另開支河弁請另委
會勘由

該道勘報各河形勢。弁揆度起衅爭競之由。均已探
本窮源。切中肯綮。豐魚兩縣。現開支河。苟能彼此歲
修不廢。可期暫息爭端。所請另行委勘一層。似可毋
庸置議。惟疏浚南陽昭陽二湖。既恐工鉅費絀。難以
舉動勤修。目前所開支河。亦恐各懷意見。久而懈怠。
究應如何辦理。方昭允愜。已咨商督部堂察酌辦法。
移知東省會核辦理。弁請咨復飭遵矣。仰卽知照。仍
候督部堂批示。繳單稟弁悉。圖存。

浙江撫院咨匪犯徐瀾漳等犯案地方無論何
縣所屬總宜執法嚴辦咨煩核飭示復由

撫吳公牘

卷之三十四

六

爲咨商事。同治八年六月二十四日。准浙江撫院李
咨匪犯徐瀾漳等犯案地方。無論何縣所屬。總宜執
法嚴辦。咨煩核飭示復等因。到本部院。准此。查此案
前准浙江撫院咨會。卽經行司飭查訊詳。嗣據縣稟
犯供搶劫處所。並非該縣境內。又經批司查核在案。
茲准前因。此案既經該縣訊問。與烏程縣訊供大不
相符。究竟如何不符。未據稟明。卽此一端。足見該令
模稜麻木矣。合就札行。札到該司速飭吳江縣遵照
提犯訊錄確供具詳。勿得彼此推諉。一面札飭蘇州
府查明犯供行劫處所。是否吳江縣管轄。擲據震澤
吳縣所管。剋日據實稟復。此札。

常鎮道稟如臬上年十二月分監押人犯漏列
粉牌飭據明白稟復由

據稟該縣因押犯較多粉牌登滿另列小牌月報冊
內亦經詳細登載等情惟查他縣押犯有五六十名
之多者尙且併列一牌該縣是月押犯僅有三十餘
八而謂高二尺廣五尺之牌不能登列萬萬無此情
理卽云該令月報冊內並未漏列但本部院通飭各
牧令將押犯名姓登列牌示之初心原欲使官押一
犯雖愚夫愚婦皆得以共見共聞免致書差復有私
押之弊該令不漏列月報而漏列粉牌彼窮簷蔀屋
又何從得月報而窺之乎且該令又何不將小牌接
寫之緣由於月報上註明乎該令只知於上司面上

撫吳公牘

卷三十四

七

極力周旋曾不念黎庶之顛連雖提攜而仍無告書
差之技倆雖稽察而有所難周本應撤參姑念該令
平日居心尙屬忠厚且冊報有名從寬將該縣摘去
頂戴以示薄懲已札司註冊飭遵並咨明督部堂暨
通飭甯蘇兩屬各府州廳轉行知照矣仰卽嚴飭該
縣此後懸挂粉牌勿再稍有疎漏致干嚴參切切繳

撫吳公牘卷之三十五

外來遊民挖取塘岸石腳飭禁

爲再行札飭查禁事。照得蘇常一帶沿河地方。前因外來遊民挖取塘岸堤脚石塊石板。並於僻靜處搬取坍塌敗牆磚塊石腳。裝運上海變賣。得價甚厚。巡快地保。視爲無關緊要。不免受財。故縱。恐日久岸腳挖鬆。碎石滾入河內。始則撞破船隻。繼則淤塞河道。終則有礙圩田攸關。

國課當經分札蘇常二府。通飭示禁。在案。現查長元吳三縣。仍有江北小船。通同地保。於沿河一帶。拆賣石塘舊基。實屬惑不畏法。貽害匪輕。合再札飭查禁。札到該縣。立即遵照會商。迅速設一良法。認真嚴禁。仍

撫吳公牘

卷之三十五

一

隨時實力查拏。並懸掛賞格。從重究懲。毋得徒以一示一復了事也。切切。

合札長元吳三縣

嘉定寶山漕折告示行司

爲札飭事。照得本部院前將蘇松等五府州屬。呈送徵收七年分冬漕斗。則折價各數示式。核分詳畧。評定優絀。行司轉飭遵照。並因嘉定寶山二縣。向係墊辦起運。開徵較遲。提出另辦。在案。茲已據嘉定寶山二縣。先後呈送徵收七年分冬漕折價示式。到院本部院。詳加校核。嘉定將費腳錢文。卽在四千三百文之內。一節。詳細敘入。又將串式同送。甚屬周備。寶山告示。雖不及嘉定之詳。尙稱簡淨無疵。合行札飭。札

到該司卽便轉飭遵照。並令嚴查。柜書差保人等。如有浮勒病民。低作洋價情弊。立卽從重懲治。如該縣徇隱不究。定干嚴參。懍之切切。

札蘇藩司

札查寶山等縣沙洲並積案情形

爲札飭事。訪聞朱委員於七年五月至寶山城。但憑各沙主繪各沙地圖呈驗。印委並未到沙一勘。其中難免弊隱。詢據嚴姓隱漏二三十頃。鮑姓亦有隱漏。又靖江沙洲。自嘉慶年間起。至今有漲無坍。咸豐七年承買案內。現經丈出溢田約一萬二千畝。僅收繳補課約二千畝。不及銀千兩。召買升科。均未辦及。委員現已撤局。移交印官。尙未舉辦。沙洲積案清結亦

撫吳公牘

卷之三十五

二

少。又江陰沙洲。咸豐七年承買案內。丈出溢田。每畝補課有三錢四錢六錢不等。新漲召買。南灘共報五千餘畝。繳銀入錢。共止繳過一千餘畝。北灘報漲報坍之案。尙未清查。聞新漲甚多。卽如壽星沙約漲三萬餘畝。坍沒豁免。及南灘報漲之五千餘畝。皆憑水利房經書黃守臣轉據圩長開報。委員均未勘丈。聞水利房弊竇甚多。新漲之田。率向該房買補。坍田之糧。充爲老額。影射免課。名爲移坵換段。此弊各處皆有。尤以江陰爲最。黃守臣聲名最爲惡劣。又常熟之何委員。在沙設局。其隨人時到賭場烟館收費。圩長亦有饋獻。又武進積案亦多未結。其報沙洲坍沒豁免。縣書每畝索造冊費十餘文。丹陽縣書則每畝索

費十文。並每年田捐。每畝亦索費十餘文。人數甚多。其可指數者。中沁洲書周徽吉。黑河蔣家。沙洲錢錦秀二人。又常熟沙董。于沙民詞訟頗多。隱爲把持。和尚港以東有黃亮。合興街以西有朱老虎。紙街以比。及帶子沙。有曹龍者。皆未斂戢。各等情。前來均應確切查勘。以憑分別嚴究。合行札飭。札到該嗣。即便認真派委委員。將以上各情。認真查復核辦。毋許印委顛預了事。切切特札。

札
蘇藩司
沙洲總局

加函致局

沙洲弊竇。如牛毛繭絲。紛不可理。上年爵相商除沙洲積弊。手書幾數千言。乃會銜出示。曾幾何時。而弊端百出。又復陳陳相因。我輩何面目復見爵相乎。從前三年小丈。五年大丈。敝處

撫吳公牘

卷三五

三

奏改爲十年一丈業蒙

特旨允准

聖恩。尚且體恤沙民。無微不至。乃書差竟敢肆行剝削。任意侵漁。我輩猶復形同木偶。若罔聞知。是則沙民受書差之害。實則沙民受我輩之害也。務祈貴局派委委員。將牘中所訪各情。和盤托出。以便盡法嚴辦。庶可一勞永逸。立法時留一二分之弊。奉法時卽釀八九分之弊。優游乃爲禍本。姑息卽是奸媒。欲舉沙洲數百年之積弊。廓而清之。固非下辣手。用重劑。斷難望有轉機也。

飭查武進縣驛丁尙萬春等剋扣索詐

爲札飭事訪聞武進縣驛丁尙萬春驛書周慶隆沈鳳泰表裏爲奸剋扣跑夫飯食馬匹草料每遇貨船索錢一二百文空船索錢二十八文水果船索錢三百文等情合行札查札到該府即便查明訊責並出示嚴行禁革以杜擾累切切此札

札常州府

加函

該丁書等前此以魚花船爲利藪今因嚴禁又以勒索貨船爲利藪并聞該書遇要件包封過境竟有私折閱看之事殊堪痛恨望接牘後分別嚴查如果得實卽將該丁書一并斥革驅逐出境庶不致仍留禍

撫吳公牘

卷之三

四

根也費伯雄劫案業已數年尙未獲一眞犯第實愧對之也前此鹿大兄云眞盜逃在靖江地面但靖江亦係蘇省地界非歐羅巴米利堅可比未嘗不可設法晒緝乞再面懇之何如

飭查東臺縣糧書私押花戶

爲札飭事訪聞東臺縣冊書許嘉謨承管十二都五圖有花戶蔣席儒應完漕米一石六斗零向由該書經收上年冬閒該書向蔣姓聲稱本屆漕米折價如每石給費六千文可以混入災區不必領掣糧串蔣席儒允以每石給錢三千當付錢二千六百文迨見本屆漕折減價告示有限一月內令花戶自完過期差收之語蔣席儒卽於限內赴糧房開具糧數草條

上柜完納。掣有印串。該書恨不令伊經手。乃以上歲欠糧稟縣。縣中卽將蔣席儒發押大興樓飯歇。而該縣粉牌。却無蔣席儒姓名等情。查蔣席儒本屆漕折。已經清完。掣有印串。而該書仍稟抗糧。究竟是何情弊。且查蔣席儒一名。該縣粉牌並無其人。是否該書私押。除前經札查外。合再札飭。札到該道。卽便認真確查。稟復核辦。切切。此札。

札准揚道

加函

該冊書引誘愚民。以熟作荒。私圖得費。不遂所欲。輒又稟官發押。以爲洩忿詭錢之計。此等冊書。上虧

國課。下擾閭閻。若不查實嚴辦。良懦何以爲生。敝處公

撫吳公牘

卷之三十五

五

牘上且淡淡着筆。誠恐措詞過峻。則若輩必聞風而逃。東臺君忠厚長者。未必甘心魚肉鄉民。然非有官親。明上與該書朋比。爲奸則該書亦斷斷不敢如此恣肆。統祈就近確查和盤托出。該縣又有浮收漕價之事。此公眞憤憤矣。

行查東臺縣浮收漕價

爲札飭事。訪聞東臺縣告示。漕價每石五千八百文。惟據陳中莊米舖李姓云。每石正價五千八百。連串票腳力。及經書川飯。須添出數百文。又據西塗鎮碾坊曹姓云。現完漕價。合加一費。每石六千三百文。又云。該處大概情形。連漕價串票。統算約在六千三四百文。鄉間未見告示。各等情。查現定江北漕章。不准

於核定正額之外。絲毫浮收。迺該縣書差。仍敢每石浮收錢數百文。散法賤民。殊堪痛恨。合行札飭。札到該司道。即便轉飭該縣。確查浮收書差。是何姓名。明白稟復核辦。並飭該令。勿得飾疾懼醫。切切。此札。

札司道

加函

敝處前此通飭各州縣。每次開徵丁漕。必須刊刻收價簡明告示。發貼城鄉都鎮市集村庄。大縣以發貼千張。小縣六百張爲度。原欲使窮鄉僻壤愚夫愚婦。皆能一目了然。方免書差高下其手。今東臺泰州興化等處。鄉民全未看見告示。官有減價之恩。民受浮收之害。此書差匿示不貼。所以不能不認真整頓也。

撫吳公牘

卷三五

六

鄙意欲俟該縣稟復後。擬將匿示浮收。尤爲玩法之書差。置之重典。庶幾各處書差。聞風儆懼。不致復蹈前轍。公若以爲可行。乞卽飛速示知。蔣席儒欲完漕折。茫茫無所適從。正款全清。卒致身入囹圄。而後已。愚民之情狀如此。書吏之威福如彼。詩云。宜民宜人。受祿于天。第欲易爲宜官。宜吏。流毒于民。公以爲何如。

行查泰州浮收漕價

爲札飭事。訪聞泰州城內漕價至長之戶。每石價錢五千五百文。惟據沈家渡小雜貨店陶姓云。該莊在泰州西南隅。一律完漕五千五百文。連各項使費。共合錢六千五百文。另加串票每張四十文。向歸差催。

未見告示。又據九里溝後莊徐姓云。該莊折漕一律交差完竣。每石正價五千五百文。申票每張四十文。量戶大小酌加差費千文數百文不等。聞有告示。鄉間未貼各等情。查現定江北漕章。不准於核定正額之外。絲毫浮收。迺該州書差每串票一張。浮收錢四十文。又浮收差費至千文數百文不等。飭法賸民殊堪痛恨。合行札飭。札到該司。即便轉飭該州。確查浮收書差。是何姓名。務設一永遠杜弊之方。勿得再蹈前轍。致干嚴參。仍飭明白稟復。以憑核辦。切切。此札。

札江藩司

加函

此次訪查江北浮收者不止一縣。但甫經立法。若痛

撫吳公牘

卷之三十五

七

以法繩之。又恐操之過急。無一牧令可以自全。且積弊至數百年。欲一旦廓而清之。固非旦夕所能程效。故先檄該牧令自行查復。或冀可以內愧。若後次仍復效尤。則我輩當易低眉爲怒目矣。公以爲何如。

查究興化糞如林浮收漕價

爲札飭事。訪聞興化縣距城五十里之許家堡伏海庵。有王盧二姓。並糧戶多人。據云該莊在興化東鄉竈四上圖。共有八十餘戶。約計共完漕米二十餘石。向歸經書糞必昌催徵。今年是伊子糞如林來催。大畧許至六千餘文一石。尙不答應。每石索價八千方肯代完。是以均未說妥。一二日仍要來此催索。又湖西口經造沈四聾子。經收楊永昌一戶。每斗仍收八

百文其餘民戶糧少者亦多類是等情查本年核定江北漕價興化每石五千三百文此外不准絲毫浮收。迺經書龔必昌之子龔如林及經造沈四聾子竟敢抗違定章。額外浮收。執法賤民。殊堪痛恨。合行札飭。札到該道。即便嚴提興化縣經書龔必昌之子龔如林。經造沈四聾子。確訊浮收數目若干。按律嚴辦。以肅漕政。並確查書龔浮收及匿示不貼情形。據實詳復。以憑核辦。切切此札。

札准揚道

加函

百姓不知漕價。然後書龔可以浮收。然百姓所以不知漕價。皆因書龔匿示不貼之故。此事一由本官有

撫吳公牘

卷之三十五

八

欲希冀事不發。則已可分肥。事發則歸其咎於書龔。一由本官心地不甚明白。任聽門丁勾串書龔作弊。朋分陋規。興化令君。或有欲或不明。第尙未能逆揣。但任聽經書勒索浮收。至於如此。則彼平日之所詡爲催科撫字者。亦可窺見一二矣。安得純灰十斛。將諸君子重役。輕民一副。腸胃爲之蕩滌淨盡哉。入都在卽。望速查速復爲禱。

飭查靖江八圩港等河道如何興挑

爲札飭事。據委員稟稱。靖江城低河淤。聞有保衛局用存公款五百餘千。存董事陳揚之手。齊前令任內。卽議作爲挑河之用。因被該董虧用。至今未辦。以致每年九十月起。至清明止。於南之渡船口。北之曹

家橋築堤蓄水南堤專派堤夫常松高看守北堤專派地保劉勝全看守遇有船隻來往肆行索詐如極小船每日約過四五百號每船南堤索錢三四十文北堤索錢七八文不與則強取蘆片什物稍大之船北堤勒捐添雇多人扛堤須加索錢數百文南堤索洋一兩元不等實爲客商之累查八圩橋起至廣陵鎮共長二十七里如能一律挑深商民受益不淺聞該處居民亦願按田分段認挑但衙門內外每年均藉築堤爲斂費之計多不願辦等情合行札飭札到該府卽便查勘該河應如河迅速籌議興挑前此公款是否侵蝕衙門內外是誰撓阻確查稟復以憑核辦其堤夫常松高地保劉勝全如何藉端斂費並

撫吳公牘

卷三五

九

行查究此札

札常州府

加函

據委員面稱此河不挑近河農田水則苦潦旱則苦乾且挑費不過千金卽可竣事該縣每年僅以一二百串築堤船費每年可抽至二三千串等語查該縣設法生財可謂想入非非務望嚴檄申斥並勒限將全河趕緊濬深以功補過儻踰限仍不興挑則按船私抽之咎不但問諸水濱已也

飭將海州差役徐相等嚴行提究

爲札飭事訪聞海州差役阜捕兩班不與詞訟勾攝之役惟頭班十五總最爲著名兇惡每一總差名下

有二班兩名三班六名或四名小夥十餘名凡有案件必歸十五總承行把持婪索無所不至每一總差點充到手須花衙門費二三百千親友開賀子弟一樣考試地方紳衿仰其鼻息鄉間小民吞聲畏服無訟者構之使訟有訟者差稟卽銷遇有平素憎嫌之人串通門丁出具門條任情私押播弄事權顛倒白黑錢漕亦歸十五總承催往往有先爲墊完再行掣串下鄉任意浮收者卽如串票一張須錢五十文合上下忙漕價三張須錢一百五十文故若輩無家不富現聞陳牧稍加裁減每一總差名下不過十人不准私押其權稍減然稔惡旣久積重難返其中能辦事而聲名壞者徐相葉向王雲孫松四人爲尤甚至

撫吳公牘

卷之三

十

於經承書吏向無大權等情似此差役肆惡朘削閭閻亟應破除積習以甦民困合行札飭札到該道卽便確查該差役平日實在惡蹟如果與所訪相符立卽嚴行提究至徐相現在被人控告已發交該道復查並一面妥議如何抑其事權清其流品爲將來永遠除弊之法稟復核辦切切此札

札徐海道

加函

胡文忠言書差害民引詩交交桑扈率場啄粟二語以之移贈海州總差當可無愧徐葉王孫四差似須提案嚴懲否則無以掃除結習書差並非不可用但須以官用書差勿以書差用官方不致太阿倒持昨

有紳士言及江北書筮處處皆爲本官供奉長生祿位有人沁入心脾必有人恨入骨髓矣良可太息執事素有攬轡澄清之志何以經權並用方能使此輩不致流毒閭閻大概今之牧令平日不甚涉歷時務故至事權在手茫無把握一任門丁書筮絲牽傀儡言笑行動皆不自由魏叔子言儒生俗吏不識時務八字可與虞廷十六字並傳千古誠爲心得之言敝處新編牧令書業已刊竣茲寄上三十部乞分贈同寅諸君子餘者留以自享但恐諸公自命雅人不肯看此俗書耳昔歐陽文忠爲夷陵令無書可讀將署中所有積牘遍閱之而後學問大進然則案牘文字不獨於時務有益亦於學問有益乞試與諸君子諳

撫吳公牘

卷之三十五

十一

切言之何如

嚴禁高郵傳呈等費

爲札飭事照得本部院訪聞

高郵

州詞訟案內管押

人犯可以任憑原差帶押莫知其處殊堪詫異傳呈喊稟每張錢一千七百五十文下鄉相驗費無定數多者百數十千均宜遵章禁絕該州生員宋錦章原籍興化不甚安分有無實在劣跡押犯朱得才該州牌示註明係王炳元案內船夥而該州去年六月報冊於朱得才名下註明訊是游匪緣何牌冊不符現下錢漕已定新章而該州差收申票錢至七十文之多亟應一律革除又南門內興和窰貨店經門丁出條取貨措不給價詢稱每年時節及差使照例供應

之外尚須隨時強取不特窳貨爲然何物門丁竟敢如此平空訛索並應從嚴究辦育嬰堂上年殤故一百餘名經理董事殊不得人界首司訟費聞亦不輕是否仍蹈擅受故轍合行札飭札到該道卽便轉飭遵照分別查辦勿得空言稟復切切此札

加函

札淮揚道
高郵州

該牧前任各缺似尙有爲何以一至高郵風采不如曩時豈州境有貪泉耶思之殊不得解頒發相驗章程口血未乾何竟背道而馳聞前此下鄉相驗沈姓一案地保派費至一百七八十之多犯事十里內外雞犬皆驚爲民父母竟使百姓如防寇敵清夜問撫吳公牘

卷之三

三

心安乎否耶此事如或鄙人誤聽自當甘伏采訪不實之咎抑或形迹之間難免疑似亦望趕緊放下屠刀滿目瘡痍誠不暇先言丈人而後救火伏乞太君子諒其苦心死罪死罪

查禁興化書差相驗各費並張二等唆訟包攬爲札飭事照得本部院訪聞該縣下鄉相驗各費跟班錢三千三百文值堂二千二百文書差十餘千另加船錢等費本家有功歸本家承認否則波及隣佑又堂費二千元至五六千文不等亟應嚴密查禁城內有業屠之張二張三唆訟爲事因此起家竹橫港僧高祥慣做訟師小民受累不少又有舉人王學易陸殿鵬成占春黃景等出入衙門包攬詞訟有無實

在劣迹。應一併密行查復。又聞該縣初到任時。審案動議罰款。云係充公修葺之用。近來曾否停止。亦即明白稟復。合行札飭。札到該縣。即便遵照辦理。毋得諱疾懼醫。此札。

札興化縣

吳縣地總陳松亭等飭辦

爲札飭事。照得本部院訪聞吳縣審案每堂差費。仍有五千六百文之說。殊屬擾累。亟宜嚴行稽察約束。毋致縱蠹害民。又光福寺十九圖地總陳松亭。每畝以內。按分收取陳勝各姓票錢。每分六十二文。膽大妄爲。亦應查明懲治。立卽枷示圖內示眾。又聞鄉徵局收錢不卽截串。百姓須奔走數次。始行給串。又每

撫吳公牘

卷三十五

三

日開局甚遲。收局過早。且經造往往匿不發單。及持舊單向局查完。局中反置之不理。更有漕總更換而舊漕總收錢小票。不能換串。以致小民重複完納者。種種累民。殊堪痛恨。該縣務須查明舊漕總郭友梅杜爾梅所給完戶小票。勒令郭友梅杜爾梅到局與完戶面質。一一認繳。並一面出示貼鄉徵局門首。令各完戶持小票赴局換串。以昭平允。其鄉徵局辦事之人。亟應慎選誠樸勤謹。無衙門惡習者。赴鄉徵收。並給發串票。隨收隨截。局門亦飭令早開。緩閉。庶小民得免守候。卽輸將可期。踴躍。又聞郭友梅於去年七八月間。到光福左右。收取同治五年清查冊內之民欠。計收四五十元。並未給發憑據。又訪聞水瀆鎮

賭棍袁滄海夏間在鎮開賭毆辱武弁迄未拏獲均應分別查辦懲一儆百合行札飭札到該司即便轉飭遵照剋日按照所訪各條認真革改據實稟復切切此札

札蘇藩司

加函

漕總郭友梅上年業飭斥革何以該縣又復用之豈無郭友梅該縣卽不能辦事耶萬一郭友梅竟一病而亡該縣又將何所恃而不恐耶漕總名目早經通飭禁革乃該縣除其名而用其人是何異戒淫煙而吸鴉片乎務祈轉囑該縣立刻將郭友梅驅逐出境爲吾民除一敲脂吸髓之禍根其餘各條並囑該令

撫吳公牘

卷之三

五

認真整頓勿再因循附省首邑尙爾百弊叢生難怪千里外百里外敕令之視法令如弁髦也天時久旱擬於數日內設壇祈雨請公選定一日示知爲禱

飭沛縣嚴禁差役相驗需索

爲札飭事照得本部院訪查該縣差役倚恃衙門貪橫不法平日遇有訟事多方訛索固不待言若地方一報命案本官相驗下鄉卽爲該差役等大作威福之時非但擇肥而噬而且遠近居民挨戶搜索卽如劉瞪致死伊母舅孟玉文一案該縣前往相驗原差趙振強拉李太和作爲干證令地保郭喜科派鄰佑至九家之眾訛索至六十七千之多似此縱容婪索貽害地方伊於胡底趙振在押病故已據驗詳此案

原差尙有何人合亟札飭札到該縣立即查明提同
地保郭喜研究明確迅將勒索錢文如數追出一面
稟候本部院將被派鄰佑姓名錢數清單札發以便
傳集鄰佑人等當堂按名給還並將該差地保嚴行
責懲及以後下鄉相驗作何禁止科派之處剋日詳
細稟復切切特札

札沛縣

加函鈔案致道

鄙人之於沛令諳諳告誡者不下數千言矣私心竊
冀其翻然振作乃口血未乾而地保原差復有強派
驗費之事附呈鈔案并科派名單幸且存內勿發俟
該令能否據實檢舉再作道理差保等所爲確切查
撫吳公牘

卷之三十五

五

明儻得需索實據卽當先以三尺從事且不必意在
沛公也

撫吳公牘卷之三十六

飭銅山縣清理監獄班房

爲札飭事。照得本部院訪聞銅山縣監獄牆垣尙稱完固。而監內地方不能潔淨。致多疫癘。至管押人犯看役七班內。惟孫太勝標二班。所押人數既多。穢氣薰蒸尤甚。此外如養濟院房屋。任其坍塌。所有現存之二十一間。亦俱滲漏不能居住。殊非體卹罪犯保全孤貧之道。合亟札飭。札到該道。立即轉飭該縣督同典史。嚴飭禁卒人等。將內監外監一律打掃乾潔。其班房亦速飭看役收拾清淨。並看役作何給予飯食。勿致需索押犯之處。迅速酌量籌給。所有養濟院房屋。務卽設法興修。使孤貧得所栖止。切勿仍前怠廢。致干復查獲咎。仍將辦過緣由。據實稟復。切切特

撫吳公牘

卷三十六

札徐海道

飭睢甯嚴拿盜賊

爲札飭事。照得除暴安良。先在有備無患。而其源則係乎平日居官。能使民心信服。遇有緩急。方能如身之使臂。臂之使指。官民聯爲一體。民間遇有失事。官如自被其害。速爲設法緝捕。重賞嚴辦。使小民共信官長。真能爲吾儕除暴安良。自必激勵奮興。感通聯絡。令行禁止。盜賊尙從何處容身哉。本部院訪聞該縣捕務廢弛。於通衢大道商賈輻輳之地。盜賊往來竊劫。如入無人之境。卽如離縣最近之朱家集龍家集。最遠之張家營姚家集等處染坊。去年八九月間迭被搶劫。此外被竊被搶。尙不一而足。在民間或以控告無益。未盡報案。而該縣安坐衙齋。亦若不聞不睹。既不訪查。又不往勘。閭閻徒切驚惶。商旅不能安枕。安能使民心信服。呼爲父母。奉作神君乎。合亟札飭。札到該縣。速宜振刷精神。勤求民瘼。於地方盜賊出沒之處。巡警團防。互相保衛。購覓眼線。迅速跟拏。如再仍前玩泄。以致復有失事重案。卽當嚴行叅撤。決不稍寬。慎無自誤。切切特札。

撫吳公牘

卷之五

二

札睢甯縣

飭宿遷等縣嚴禁栽種罌粟

爲札飭事。照得栽種罌粟。有干例禁。必須地方官隨時禁止。照例結報。本部院訪聞該縣種植之區。已十居其一。小民貪利。相率效尤。勢必愈種愈廣。大爲農畝之害。亟應嚴行禁絕。合行札飭。札到該縣。立卽遵

照劉切曉諭。一面周歷親查。遇有種植罌粟之處。卽刻傳集佃戶地保人等。諭令作速改種糧食。酌予限期。取結復查。務使盡絕根株。勿致有妨農畝。仍將查禁辦理緣由詳細具報。此事令在必行。切勿空言搪塞。切切特札。

札宿遷豐縣

加函

此乃認真查辦之件。非奉行故事之文也。諸公果能設法禁絕。鄙人必當兄事灌夫。弟畜籍福。不僅以僚友待之。種者多。則吸者必多。多種則農事廢。多吸則氣力弱。十年後。不惟不能足食。而且不能足兵。務望奉文後。親自下鄉切勸。使小民皆曉然於不可貪眼。

撫吳公牘

卷之三

三

前之小利。釀無窮之大害。庶幾合如流水。不致有所扞格。其真不率教者。亦當嚴懲一二。則百姓自能知勸。知戒。種煙多在旱田。諸君子能否於興修水利加之意乎。并祈將此函鈔送二縣爲荷。

飭碭山嚴禁栽種罌粟

爲札飭事。照得內地種植罌粟有害農功。久干例禁。本部院訪聞該縣種植之區。業已十居其一。小民貪利效尤。勢必蔓延日廣。大爲地方之害。又前任河營游擊充當寨主之闖大邦。倚恃營員出入衙門。仗勢行事。恐非安分之徒。以上二事。必須嚴禁確查。合行札飭。札到該縣遵照。卽於栽種罌粟之區。出示禁止。並於下鄉時留心察看。傳集佃戶地保人等。剴切面

諭令其改種糧食酌予限期使之遷業仍取各地保切結存案稟復至闕大邦雖據該縣稟稱尚無劣蹟仍當隨時訪察俾不致復萌故智擾累平民此係特飭之件務必認真辦理切勿因循瞻顧致干未便切切特札

札碭山縣

江甘埠頭需索船隻飭辦

爲札飭事訪聞揚州江甘兩縣夫阜埠頭人等著名兇惡而吳三吳四兩人爲尤甚每於徐凝缺口便益東關四門之間串逼夫阜遇有雜貨船隻由一次二次以至四五次更番持票封船每船索錢至二三千文之多若遇裡下河船甚至有每船索錢五六千文

撫吳公牘

卷之三

四

者至府縣營汛各衙門俱有挂名優免船名目每於新官到任換領護照一次須費錢三千餘文尋常年例衙門內外每年須費八千餘文遇有差使仍須按照貼費謂之免差不免費其錢均歸夫阜埠頭均分似此擾害平民殊堪痛恨又訪聞上年十二月二十日邵伯鎮貨船起貨上岸有甘泉縣馬號棚頭號隸及邵伯司巡檢衙門大小班司隸埠頭各行每船索詐錢八百文由邵伯司差頭王豐又名王了頭經手分派等情尤堪詫異合行札飭札到該縣等卽便將著名兇惡之吳三吳四及邵伯巡檢之差頭王豐卽王了頭由該縣等分別訊明責革枷號河干示衆半年釋放以示懲儆仍一面出示嚴禁藉差訛索及優

免貼費名目。並卽遵照單開清河稟批船埠章程。參酌妥議。稟復核辦。以期永除民累。毋稍違延。切切。

計鈔清河禁革船埠各稟批

札揚州府合札

江都二縣
甘泉

加函致府

江甘等處夫阜埠頭索詐船戶之案。不一而足。該令等竟一任自然。無所聞見。豈古稱小事糊塗。大事不糊塗者耶。官場之小事。卽百姓之大事。長年三老。終日邪許。所得幾何。乃縱令夫阜埠頭。更番剝削。托庇宇下之謂何。各衙門若能嚴行禁絕。不收夫阜埠頭之費。則夫阜埠頭自不敢收大小船戶之費。蓋源清則流自不濁也。尙祈就近嚴督兩縣。實心實力。妥籌撫吳公牘

卷之三

五

善法。務求盡除一切弊端而後已。政如農功。日夜思之。或者不能自伸。冤枉之小民。庶可稍沾實惠乎。聞初旬缺口門外商船。有劫財致命之案。何以至今不報不緝。然則劫案命案。亦可謂之小事。亦可裝作糊塗耶。噫。

查沐陽門丁差役需索

爲札飭事。照得本部院訪聞該縣稿案門丁姜姓。錢漕孫姓。用印兼值堂郭姓。需索差役格外使費。並肆意嫖蕩。如果屬實。亟宜嚴爲責逐。捕班頭有陳錦者。著名兇惡。又善逢迎。聞五六年前。十子橋地方耿如保家計頗豐。陳錦教唆該處素不安分之耿學曾。耿學曾另有殺死耿如秀一案。誣控耿如保搶毀雜物。

隨卽下鄉捉拏。耿如保被逼自縊。其子耿錫賢赴海州呈控。該州屢提陳錦不到。後有耿景陽樹料被竊。陳錦又唆地保史佩徐捏報耿錫賢所偷。藉案箝制。使其不敢再申冤。衆情忿恨。耿錫賢尙因此案被押縣差杜大家。似此冤惡差役。致良民冤上加冤。亟應查明案由。從重懲治。以快人心。又聞民班頭李勝遇案訛索。極爲鄉民之害。亦應一併懲革。該縣下鄉相驗。向係犯事家出錢。或多或少。視其家之肥瘠。同莊如有殷實。無不牽做干證。鄉曲小康之戶。頗不聊生。去年耿姓地上被劫。殺死兩屍。因耿姓家資尙裕。衙役卽多方苛索。地主耗費幾二百千。此等惡習。亟宜嚴行禁絕。以省擾累。該縣外監雖有木柵地板。惟穢濁不堪。且墻低臨街。甚不謹慎。亦宜量行葺治。打掃。合行札飭。札到該縣。卽遵照查明辦理。稟復。均不可以爲前任之事而忽之。聞該縣馭差尙嚴。訊斷亦勤。又不徇私。富紳如程氏亦未往來。足徵胸有定見。仍須實力。虛心。不耻下問。庶可以耳目之有餘。補心思之不足。否則書差擾民。與本官擾民。何以異哉。勉之慎之。切切。此札。

撫吳公牘

卷之三

六

訪聞泰州吏目等需索包攬各弊飭查

爲札飭事。照得本部院訪聞該州張吏目需索壩費。於尋常費外。加收鹹貨。每石八文。尋常貨船。每石五文。又州差宋五。遇事生風。橫行無忌。又州署家人張姓。外人號爲張松泉者。亦有招搖之名。時復包攬客貨。又聞該州文生宋桂生。董事夏嘉穀。武生王二巴。致向以包攬詞訟爲生涯。又土棍曹仁和。在南關外開設雜糧行。素不安分。均應密行查復。又聞該州問案堂費。一二十千至五六千不等。下鄉相驗。地保當差。鄰佑仍須暗貼錢文。多寡不等。亦應痛行禁革。安定書院經費。本可敷用。惟董事發給膏火。祇有七折。士林多有怨之者。並應分別整頓。合行札飭。札到該州。即便遵照次第辦理。並查明稟復。毋謂該州所行。盡是而本部院所聞。盡非也。切切。此札。

札泰州

海門書吏疲庸玩誤飭加整頓

爲札飭事。照得本部院訪聞海門書吏。多係無用之人。類皆日晏方起。書吏向有買缺名目。此缺到手。卽其終身衣食之源。本人不能辦事。全仗副手代辦。案卷往往遺失不全。訪聞皆該書吏藏匿不出。或竟拋棄潮溼處所。任其霉爛。似此疲庸玩誤。亟應嚴行整頓。又該廳代書。每張呈詞。有至千餘文者。堂費若遇殷戶。仍須十千十五千不等。相驗由地保辦差。每次一二十千文。事主無力。鄰佑分任。又錢漕書辦。有按

撫吳公牘

卷之三

七

每兩收二十文。爲紙張費者。並宜嚴密查禁。又該處多停棺不葬。風俗數年之後。開棺檢骨。盛以瓦壘。置之屋脊。云可預避水災。棺木則置爲門扇。謂之財門。尤屬陋俗。並應嚴禁。合行札飭。札到該廳。即便遵照查明。分別嚴辦。仍卽據實稟復。切切。此札。

札海門廳

訪聞宜興溧陽賽神聚賭飭禁

爲札飭嚴禁事。照得宜興溧陽兩處。地僻民漓。俗尤嗜賭。本部院訪聞宜興境內臨津地方。向有孤祠一所。鄉民以爲臨津城隍廟。每年二月三十日。係廟神誕期。四方博徒藉賽神爲名。演戲賭博。露棚百餘座。號稱節場。游手好閒之徒。因而麇聚雜處。奸盜詐僞。

撫吳公牘

卷之三十一

八

事故叢生。又宜屬清東之洞生廟。溧屬山前之太師廟。各處於三月初八十五等日。亦復有此積習。查宜溧兩邑。自遭兵燹。蹂躪較深。值此大難初平。正宜盡力耕桑。培元務本。豈容藉口節場。露棚豪賭。况地方竊盜等案。半由賭博而起。若不從嚴禁革。其爲人心風俗之害。何可勝言。合行札飭。札到該府。立卽轉飭該縣。先期出示嚴禁。不得再有節場聚賭等事。屆期仍飭親往該處。密訪確查。毋任差保人等需索徇庇。是爲至要。切切。特札。

札常州府

寶山掛號等費名目飭禁

爲札飭事。照得本部院訪聞寶山縣任信家人。每遞呈詞。尚有掛號等費。如全號半號。內千三外千三。各名目。凡大事須挂全號。計錢八百四十文。小事半號。計錢四百二十文。內費一千三百文。外費亦一千三百文。種種需索。殊堪痛恨。亟應嚴行查禁。又署內家丁時常二三邀結。前赴吳淞。所有來往車錢。及一切食用。均係地保與船行供應。每於回城時。尚須向船行劉錫借錢。多寡不等。亦應嚴行約束。又聞縣屬西南五十里之真如鎮。有土棍張德明。年四十餘歲。結拜兄弟多人。與地保綽號雷祖者。聯爲一氣。每每倚恃人衆。酗酒滋擾。一方人俱畏之。有無實在劣蹟。合撫吳公牘

卷之三

九

行札飭。札到該司。即便轉行。認真整頓。並據實查復。切切此札。

札蘇藩司

飭裁如皋陋規減復典當利息

爲札飭事。照得本部院訪聞該縣。每逢告期。代書戮費五六百文。至于餘文不等。傳呈約費十千內外。其不在告期。傳呈須三十千內外。均由接呈之差包攬。或由訟棍包攬。實屬大爲民累。亟應嚴密查禁。又聞城中育嬰堂。現收嬰一千五十餘名。該縣地方。尙屬殷實。何以棄嬰者如此之多。亦應查明。設法勸懲。又該縣有兩典當。因印官索規五六百千。佐雜數十千。是以向例二分者。今加一分。百姓敢怒而不敢言。該

縣諒不忍爲一己之囊橐。令百姓受此股削。並應裁去陋規。令該典仍復舊例。二分取息。以惠貧民。合行札飭。札到該縣。即便遵照。分別辦理。稟復。毋得掉以輕心。切切。此札。

札如皋縣

飭查吳江震澤二縣訟棍王穉亭等實在劣蹟爲札飭事。照得本部院訪聞吳江震澤二縣訟棍。除文生袁愛廬外。尙有待詔王穉亭。監生項稻香。及鄉棍張正祿。戴阿孝。馬興祥等。均係著名唆訟。不能安分之人。有無實在劣蹟。又聞該二縣停棺不葬者尙多。亦應設法瘞埋禁止。以挽頽風。又聞該處巡鹽快船。間有槍匪充當者。到處皆不安分。去年八月十六

撫吳公牘

卷之三

十

日。金味耕由上海販魚回家。路經吳江界內。有巡鹽船查驗。持有印票。並有火器。去後。又來。將錢物盡行劫去。迨破案後。乃知爲舊時鎗船。現充鹽快者。經該縣甘令勸令金姓具領原贓。止領皮馬褂。而魚錢十。八千。該縣並不追給。又不懲辦。殊屬庇縱。亟應認真選充。嚴行約束。合行札飭。札到該司。即便轉飭遵照。密查辦理。據實稟復。切切。此札。

札蘇藩司

飭查贛榆紳董仲統倫等有無劣蹟並革除堂費申票費

爲札飭事。照得本部院訪聞該縣勤政愛民。苞苴謝絕。蒞任未久。輿論翕然。何感民之深也。紳董出入衙門。向來著名者。城內有仲統倫。青口有周曰森。衆論皆有不滿。而把持交結。周爲尤甚。有顯然劣迹否。近來仍蹈故轍否。標差向來五六名。該令較少。然每案二三名。仍覺太多。堂費三千文。票費十五文。亦宜革除。大門內班房東首屋三間。泥地不甚乾潔。押犯難免疾病。選青書院。如能認真整頓。常年膏火。亦可敷用。該縣均悉心料理之。又聞該縣有搶孀逼醮風俗。並應嚴行查禁。凡屬教養有益百姓之事。均賴良有。

撫吳公牘

卷之三

七

司實心實力。次第振興。以期益臻上理。勉之望之。合行札飭。札到該縣。卽行遵照辦理。並密查稟復。切切此札。

札贛榆縣

查禁寶應書差陳時修等婪索使費

爲札飭事。照得本部院訪聞該縣有著名兵房陳時修。綽號虎七老爺。差頭賈達李和。綽號牛頭馬面。聞該書差等串通一氣。賄囑門丁。欺瞞本官。勾連訟棍。力能把持顛倒。而賈李尤甚。每遇訟事。需索差費。少須一二百千。多至數百千。收漕之時。先代鄉戶折完。下鄉加倍征收。歷年惡蹟久著。賈李之外。其餘衙蠹。聞尚不少。卽如店舖開張。衙門雜役。皆有使費。尋常

中等之店亦須費錢數十千文。每逢年節另有雜費風氣之壞。至實應而極。現在該令馭差甚嚴。若輩稍知畏懼。然聞積習尙未掃除。務須痛爲整頓。以清蠹弊。其賈逵。李和。陳時修三名。查有實在劣蹟。尤應嚴行懲創。以快人心。城內生員。祁炳文。潘淦。喬楨。以刀筆害閭閻。有無實在確據。汜水司向時訟費差費。有至百十千者。近來仍蹈故轍。否又聞該縣鋪堂費。有至八千十千者。相驗費亦未盡除。又該縣捕役。誣良俗名牽猴子。均應嚴查。合行札飭。札到該令。即便遵照辦理。並密行查復。該令官聲尙優。務期實心實力。除暴安良。本部院有厚望焉。此札。

札寶應縣

撫吳公牘

卷之三

三

南匯稿門袁姓等需索訟費飭查

爲札飭事。照得本部院訪聞南匯縣稿門袁姓。揚州人。每收呈一張。需洋一元。潛門殷姓。楊姓。兩人。於比追糧差。代求展限。每次需錢四百文。又值堂簽押兩人。每過堂一次。亦需洋一元。該縣書差遇事仍多訛索。亟應嚴密查懲。以清蠹弊。又訪聞該縣有惡棍李阿狗。魯家匯人。掠拐婦女。無惡不作。黃沙塘民劉玉春。爲沙民中之最冤悍者。土人撈洋不出。往往坐地分贓。如果屬實。亦應查拏。又聞港義學周塾師。吸食鴉片。常不在館。生徒散去。殊屬惰誤。又該縣搶賭。逼醮惡習。亦屬可恨。並應嚴禁。合行札飭。札到該司。即轉飭密查稟復。分別核辦。切切。此札。

札蘇藩司

飭查武進江陰靖江宜興書差需索

為札飭事。據訪查委員稟稱武進縣差役裴洪素極
克惡肆行索詐。上年因需索沙洲門牌票費。每戶錢
十文。經董事書識稟知委員。輒敢因其不為廻護。糾
眾毆打。靖江漕書姚步青。經辦各捐。侵吞不少。總差
朱萬林。因為葉令信任。索詐尤甚。江陰工書蔣煥章。
每節收取各行店名曰門攤使費。宜興已革漕書徐
二了。現仍暗中辦事。教令現充漕書漁利作弊。差頭
周錦魏文大。均索詐橫行。荆溪總差邵金。並縣差兼
充地保李姓。下鄉需索。著名克惡各等情。合行札飭。
札到該府。即便分別確查。據實稟復。以憑盡法嚴辦。

撫吳公牘

卷之三

三

切切

札常州府



天
津
圖
書
館
藏
印
文
詳
中
書
局
查
委
員
稟
稱
武
進
縣
差
役
裴
洪
素
極
克
惡
肆
行
索
詐
上
年
因
需
索
沙
洲
門
牌
票
費
每
戶
錢
十
文
經
董
事
書
識
稟
知
委
員
輒
敢
因
其
不
為
廻
護
糾
眾
毆
打
靖
江
漕
書
姚
步
青
經
辦
各
捐
侵
吞
不
少
總
差
朱
萬
林
為
葉
令
信
任
索
詐
尤
甚
江
陰
工
書
蔣
煥
章
每
節
收
取
各
行
店
名
曰
門
攤
使
費
宜
興
已
革
漕
書
徐
二
了
現
仍
暗
中
辦
事
教
令
現
充
漕
書
漁
利
作
弊
差
頭
周
錦
魏
文
大
均
索
詐
橫
行
荆
溪
總
差
邵
金
並
縣
差
兼
充
地
保
李
姓
下
鄉
需
索
著
名
克
惡
各
等
情
合
行
札
飭
札
到
該
府
即
便
分
別
確
查
據
實
稟
復
以
憑
盡
法
嚴
辦

